

UTL AT DOWNSVIEW



D RANGE BAY SHLF POS ITEM C
39 16 12 07 14 018 2

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

AC
141
A63
v.2

'Ali Kemal
Fetret



فَتْرَت

اینگلی کُتاب

مؤلفی

علی کمال

Fetret


(پادس) ده کنچ برترك - برجش كه !... (صوريون) ده بر امتحان - باب عاليه ارجاع
نظر - بر فاجعه عشق - بر باشقه ماجرای الیم - (مارسل) نه ایدی ؟ (سلمی) نه در ؟ سیاحت
تهذيب شباب ایلر - مشروطیتدن مشروطیته : انگلتره ، فرانسه ویز - فرانسه مجلس-بعوثاتی
وقت - فرانسه مطبوعاتی وقت - فرانسه وقت - استانبوله عودت .

طابع و ناشری

مخالفه کتابخانه

درساعات : باب عالی قارشوسنده — نومرو ۱۷

۱۳۳۰



Digitized by the Internet Archive
in 2011 with funding from
University of Toronto

<http://www.archive.org/details/fetretal02alke>

فَتْرَت

ایلمنجی کتاب

مؤلفی

علی کمال

Fetret

E

(یارس) ده کچ برترک - برجنیش که ! ۰۰۰۰ - (صورپون) ده بر امتحان - باب عالی به ارجاع
نظر - بر فاجعه عشق - بر باشقه ماجرای الیم - (مارسل) نه ایدی ؟ (سلمی) نه در ؟ سیاحت
تهذیب شباب ایلر - مشروطیتدن مشروطیتنه : انکلتزه ، فرانسه ویز - فرانسه مجلس مبعوثانی
وفترت - فرانسه مطبوعاتی وفترت - فرانسه وفترت - استانبوله عودت .

طابع و ناشری

مخاخاله کتابخانی

درسعادت : باب عالی قارشوسنده — نومرو ۱۷

۱۳۳۰

AC

141

A 63

v. 2

هر برحقى كتابخانه جه محفوظدر

[مطبعة خيريه] وشرکاسى

فترت

ایکینجی کتاب

(پارس) ده کنج بزرگ

(اوبسرواتووار)، رصدخانه میدانی (پارس) ک مفرح، بالخاصه مونس بر نقطه سیدر. (قارتیه لاتن) د، بتون اومعرفت، اوکالات اوجاغنه متصلدر، حتی داخلدر؛ اوپله اولغله برابریوکسکدر، هوادارد، بدرجهیه قدر ساکندر، دغدغه دن، ازدحامدن نسبتاً عاریدر؛ سکنه اعتباریاده رساملر کبی، معلملر کبی، طلبه علوم کبی بر صنف کزین متفکرینه اکثریتله مالک اولدیغی ایچون اکنمکدن زیاده چالیشمق ایسته یئرلرک پک رغبت ایتدیکی بر محلدلر.

ایسته (فترت) بوسفر (پارس) د کلدیکی وقت (مون پاراناس) جاده سیله (اوبسرواتووار) شهر اهنک کوشه اتصالیانده بر خانه ده، اوچینجی قاتده سنوی یدی یوز فرائقه، اوچ اوطه دن - یمک، یاتاق، سعی اوطه لری - مطبخدن و تفرعاتدن مرکب، مستقل بر دائره کرامشدی، اودائره بی ده مختصر، خفیف، لکن لطیف بر طرزده دوشه مشدی، او برده اقامت ایدیوردی.

اولک بر معتاد قاری، قوجه قاپوجیلری واردی که بتون بنانک احتوا ایلدیکی دائره لره نظارت ایدیورلر، مردیونلری تمیزله یورلر، حولیلری سوپوریورلردی.

قادين قابوچى آيدە قرق فرائق بر اجرت مقابلندە (فترت) ك دائرە سەندە .
 باقوردى ، حين حاجتدە يىمكىن ياپوردى ، اوراق ، تفك ايشلارنى كور ياپوردى .
 او كزىدە كىچىك كىمىس ، ك موافق (پارس) حياتى بولمىشى ، چوق پاره
 صرف ايتەيور ، فقط چوق مكمىل ياشاپوردى : ذاتاً شو اوچ كلىنى : النظام ،
 سى ، عصمت ، بو عمر تحصيله بر نوع طراز ، دستور ايدىنشدى ؛ وار عزم
 شبانىلە اودستورە حرفياً امثال ايلە يوردى ؛ بر خط حر كته مالك ايدى : هر كون
 نە ياپە جغنى بيلوردى ؛ منتظماً عين وقتدە ياپور ؛ عين وقتدە قالىقور ؛ درسلىرى
 دقيقە سىكدر مە يەرك تعقيب ايلە يور ؛ هله لازمە عصمتدن هىچ ايرلما يەرق اصلا
 قادين ، قىز پىشندە قوشما يور ؛ حاصل ، اويلە هوا ئىساتە قطعياً ميل ايتە يوردى :
 ذاتاً طبعاً اوجەتجە پك معتدل ، بر فرانسوزدن ، بر شىرقىدن زىادە برانكىز
 كى ايدى .

(صوروبون) دە تارىخ ، جغرافيا شەبەسەنە رسماً طلبە صفتىلە مقيد ايدى ؛
 هر كون على الصبح اير كىندن درسلىرىنە قوش يوردى ؛ درسدن سو كره كىتە خانە يە
 چكىل يوردى ؛ كورد كلىرىنى ، دىكلە دكلىرىنى قىدلرىنە كوره دفترلە كىر يوردى ؛
 تەزە وقتلىرىنى ايسە اكثراً (لو كىمبورغ) باغچە سەندە تماشا ايلە ، تفكر ايلە ،
 وطنى ، اقرباسى ، بالخاصە نشانىلىنى دوشونەرك امرار ايلە يوردى ؛ هفتە دە
 بر ، يا ايكى دفعە اقشاملرى يىكەدن سو كره بر ، ايكى ساعەت قدر باغچە نك
 قازىشىندە كى (لافونتن) قەوە خانە سەنە كىدىيور ، بعضى كىچەلر منتظماً اوقەو دە يەكلن
 خاقان بىكلە ، دىكر بعض وطنداشلىلە كوروش يوردى ؛ جەمە ايرتىنى اقشاملرى ايسە
 مطرداً تياترولرە دوام ايلە يور ، بازار كونلىرى دە آرتق تىللىك ايدىيور ، اوكلە يە قدر
 ياتاق دە قالىور ، دىكلە نيوردى ؛ فقط اوكلە دن سو كره بعضاً يالكنز ، بعضاً بر ايكى
 آرقاداشلە مسيرە لرە ، حتى صيفىلەرە كىز مەكە ، قوشمە ، اكلە مەكە كىتمەكەن هىچ
 كرى قالم يوردى ؛ هر كون صوغوق صو دوكوندىكى ، رىئاستىق دە ياپدىنى ايچون
 رياضت بدنە سنى هىچ اهمال ايلە ميوردى .

فترت اوندە بتون او طەلرىنى بالخاصە ، چاليشدىغى او طەلنى پك كوزل تنظيم ايلە مشدى ؛
 ديوارلىرى كزىدە لوحە لرلە دوناتمىشىدى ، كىتە خانە سنى بىوك بر مەھارتلە ترتيب

ایله‌مشدی، ایسته‌دیکی کتابی درحال بولیوردی، خریطه‌لرینی اڤ موافق یرلره آسمشدی، چونکه اطلسلریله برابر متصل تفتیش ایدیوردی، تدقیقات تاریخیه‌سنی هر لحظه جغرافیا ایله مزج ایله‌یوردی. (ناپولئون): سیاست جغرافیادر، دیمشدی. اوده تاریخ جغرافیادر، دییوردی، سحرک رسنی فیل دیشندن معمول برچرچیوه ایچنده یازی ماصه‌سنگ اوستنه قویمشدی، چالیشیرکن زمان زمان تاماشا ایدیور، ایتدجکده فکرآ، قلباً برنشاط دوییوردی؛ بوسایه‌ده ده، زیاده جایشیوردی. چالیشمق بوکنج ایچون برعادت، برطیعت ثانیه اونمشدی. مثلاً برسرخوش ایچمه‌نیجه، برعاشق سومه‌نیجه راحت ایده‌مز:

جوانه ربطه ایلر دکلسه شیخه مرید؛
خلاصه، سناک عشق انتسابمز یاشاماز.

دکلی؛ اوده چالیشمانیجه یاپامایوردی، مضطرب اولیوردی، اوایله مسعود بر فطرتیه مالک ایدی. برکنج ایچون جهانده اڤ پارلاق مظهریت نه ایسه، ایشته اوکا ایرمشدی؛ درس‌لرده، درس‌خانه‌لرده دائماً اڤ برنجی صفرلده ایدی؛ دقت متادیه‌سیله، غیرت آتیشیه، اطوار کزین خلوقیه خواه‌لرینک نظر توجهنی، آرقاداشلرینک تقدیرینی جلب ایله‌یوردی؛ دارالفنونده، کتبخانه‌ده تدرساتی، تدقیقاتی اکمال ایتدکن صوکره اوینه، اوطه‌سنه کنجه‌ینه تبعاعه قویولیوردی؛ فقط او زمان فرانسیزجه، انکلیزجه، ترکیه سیاسی، ادبی نه اولسه اوقویوردی؛ استانبول مطبوعاتنه وارنجیه قدر کوزدن کپیریوردی، هله باباسنگ یازدقلرینی حرفیاً تعقیب ایله‌یوردی.

ایشته (فترت) بواحتراض عرفان ایله احتراصات سائردهی اونوتمشدی؛ یالکیز امل عرفانیله لطیف برصورتده مزج ایله‌دیکی ایچون سحرینی، اوغرام خجسته‌سنی دائماً، دائماً خاطرلایوردی، هم سوه سوه، سوهینه سوهینه خاطرلایوردی؛ ذاتاً باشقه‌عشق، او یولده باشقه تمایل بیلمه‌یوردی؛ قاچ دفعه (بولوارسن میشل) دن یوقری طوغری چیقارکن (بانته‌ئون) اڤ اوکنده اومینی مینی نازنده‌لردن التفه‌ر کورمشدی: «اوح! نه قدر کوزلسک! بنجه کلسه‌ک آ، سندن پاره فلان

ایسته‌م، کل، کل، تکلیف عجیبلرینه بیله مظهر اولمشدی؛ فقط هیچ بر زمان اوایله سوزلره قولاق آصامشدی؛ کمال جدیتله یولنه دوام ایله‌مشدی؛ (صوریون) ده و طنداشلرندن برقاق کنج طانیوردی؛ فقط الزیاده (مجدت) بکله کوروشیوردی. مجدت بک طلبه عثمانیه‌نک اک جدیلرندن، اک چالیشقانلرندن ایدی؛ تاریخدن تحصیانی بتیرمک، رؤس امتحانی ویرمک اوزره ایدی؛ علی‌الاصول بو امتحان ایچون عالی‌پاشایه دایر بر اثر حاضر لایوردی؛ (فترت) ایله دائماً بوتألیفدن، عمومیتله تاریخمزدن، بالخاصه تاریخ سیاسیآمزدن بحث ایدیورلردی. بومباحث میله، وطن حکایه‌لری بویکی کنجه باشقه برنشله ویریوردی.

(فترت) هر چهارشنبه کونی اوکله‌دن صوکره مورخ مشهور (اولار) نکه درسنه کیدیوردی؛ طلبیه مخصوص قاپودن درس‌خانه‌یه کیره‌رک ایلمک صفده دائماً عینی یره او طور ییوردی، ایکی، اوچ هفته‌در یاننده کی یرده ایسه کنج، کوزل، مستعد، فوق‌العاده مستعد - چونکه درسی خارق‌العاده برسرعتله، بر سهولتله مکملأ ضبط ایله‌یوردی - حاصلی، ایشته اوایله بر قیز کورییوردی؛ فقط کمال جدیتدن اوقیزده اوزاقدن اوزاغه احترامکارانه معامله ایتمکله برابر هیچ دقتله باقمایوردی، هیچ بر سوز سویله‌میوردی. ذاتاً دارالفنونک جدی شاگردلری بویله قدین، قیز آرقاداشلرینه قارشى پک حرمتله، فقط فوق‌الحد احترام ایله طوریورلردی. بر کون درسده بو عرض ایتدیکمز قیز کویا قضاء قلمنی یره دوشوردی، (فترت) بالطبع در حال قلمی یردن آندی. اوکا ویردی، قیزده نرومنن فتنله نواز شله اوکنجه بیان تشکر ایله‌دی، اوقدرله‌ده قالمادی، درس ائساننده براییکی کرد کویا خواهه‌نک سوزلرینی ایشیتسه‌مش کبی (فترت) دن استفسار ایله‌دی، بو سایه‌ده اونکله نیم بر معارفه پیدا ایتدی. (فترت) قوری بر تصادفدن، بر نوع رسمی آرقاداشلقدن عبارت عدایدک بو معارفه‌یه هیچ اهمیت ویرمه‌دی، باشقه برکنج اوله‌یدی، اوایله بر کوزل قیزک ولو بو قدر جق اولسون بر تمایلی اوموملاز بر نعمت عداید، درلو درلو تفسیرلره قالدیشیردی.

چونکه بو قیز جغز حقیقه دلفریب ایدی، دلفریب بر پارس آفتی ایدی، اوزون بویلی، فقط نارین ایدی؛ سیاه، سیم سیاه، سیاه اولدیتی قدرده گراه،

تا قولاقلىرىنى اورتمىش، اورتمىكلە بىر بىر پىك مونس بىر طىرزدە طارامىش، تىرىپ ايدىلىش ساچلاردا. لىكن مېنى مېنى، قاش. كوز، بورون، آغز، ھېب موزون، ھېب مېناسىب بىر سىياھ، بىم بىياض دە بىر تىنە ماللىك ايدى، تىپەدن طىرناغە طىبىعتىيە، طىراوتىيە، اوزىنىت سادەسىيە، يىنە بىسىط، فقط خوش، پىك خوش لىباسىيە عادتا: «پارس كوزلىم؟» دىيوردى، لىسان-ھالىيە اويىيە سويىيە يوردى؛ اساساً پىك جىدى، پىك عىقىف ايدى؛ دارالفنون دە، نەردە اولورسە اولسون، كىم سەيە سوز سويىيە مەك شويىيە طوسون، ذەرەجە باقمازدى بىيە. او حسن دل آشوبىيە متصل مقتونانە نظىرلە، حتى اكثر ثىيا تىمايلارە ھدف اولدىنى ھال دە يىنە اويىيە ياپاردى؛ سىننە نىسبە پىك وقار يىيە طاورانىوردى؛ تحف بىر تصادفە (فەرت) ى غىياباً طانىشىدى دە اوسىبە مېنى او معارفەنى بالالىترام عقد ايلەمشدى.

بوقىزك ابونى (مون روژ) دە كوچىك بىر دكان دە سود، يومورطە، ترەياغى ساتيورلردى؛ ھىر فرانسىزكى فطرة مقتصد اولدىقلىرى ايچون بو كوچىك تىجارىتە معىشتارىنى تامين ايتىدكن ماعدا ياواش ياواش پارە بىيە بىرىكىدىرىيور، ثروت، حىي اوليورلردى؛ ايكى اوغلان، بىر قىز اوچ چوغچە ماللىك اولدىلر؛ بىو كارى، اوغلانلرى پىك اوقوتە مادىلر، تربىيە ايدەمدىلر؛ چوئىكە اوزمان ھىوز زىكىن دكل ايدىلر، فقط كوچىكى، قىزلىرى، اوصوك چوجقلىرىنى پىك ذكى، مىللە مەكتەپنە دائىم مكافىت قازانىر كورنچە ھوس ايتدىلر، ابتداءىدن صوكرە اعدادىيە كوندردىلر. حقىقە اوقىزدە اومولدىغىدن زىادە فطىن، تىخسىيە فوق الحد مېمەك چىقىدى؛ يالىكز او (باقالورد) دىدكلىرى اعدادى رؤسىنى على الاعلى بىر درجە دە اىرازاتىمىكلە قىلمادى، دارالفنون دە كىردى، تدرىسات عالىيە دە كىرىشىدى؛ طبقى كىنچ بىرازك كىي اك يوكسك مىراتب عالىيە ھاضىر لانيوردى؛ (صورىون) دە ادبىيات شەبەسنىك اك چىتىن درسلىرىنى تعقىب ايلە يوردى.

(فەرت) لك قاپوجىمارىيە يقىن اقربادىن ايدى، قاپوجى قادىنىك يىكى، ارىك قار دەسنىك قىزى ايدى، خالەسنى كورمەك اوزرە بىر بازار كونى اوكلەدن صوكرە اوادە كىتىشىدى. قادىن يوقارىدە (فەرت) لك دائرەنى سويورمەك، تىزىلەمەك، مىشغول ايدى. (فەرت) اودە يوقدى. قىز يوقارى چىقىدى، خالەسنى بولدى.

قابوچی قادین برطرفدن اوطه‌لری سیلور، سوپوریور، دوزلیوردی :
 برطرفدن ده مسافری ایله، یکنی ایله کوروشیوردی . قیز یاتاق اوطه‌سده، آینه‌نک
 اوکنده (فترت) نکه بیوجکه برقمیاسده برسمنی کوریر . کورمن شخصی درحال
 طانیدی :

— خاله بوکنج کیمدر : داثما (صوروبون) ه درسه کلیر، جدی بردلیقانی یه
 بکنر .

دیدی . قابوچی قادین ایسه تکمیل مسلکداشاری کچی کوه‌زه‌لکه ازلدن مبتلا
 اولدینی ایچون آغزینی آجدی ، کوزینی یومدی ؛ (فترت) نکه مناقبی ، محاسنی
 صایه صایه بتیرمدی ، نهایت :

— قیزم ، شاید ایلریده اولدنیرسه نکه ، الله سکا بویله برقوجه میسر ایتسون .
 ساده باقدیشیقلی ، تربیه‌لی دکل ، فقط نه چالیشقان، نه جدی برکنج، برکنج که دارالفنوندن
 چیقار ، قوشه قوشه اوینه کلیر ، اوطه‌سده قاپانیر ، متصل اوقور ، یازار، عشرت،
 سفاقت ندر ؟ بیلمز ؛ باقی ، کله‌لی اوچ ، درت آیدن زیاده اولیور ؛ بوداثریه
 ده بندن باشقه برقادین آیاق باصمادی . (پارس) ده یاشایان بردلیقانی ایچون بویله
 برحرکت خارق‌العاده دکیدر :

دیدی ، ایشته بو ماجرای متعاقب ایدی که اولطیف قیز (فترت) ایله
 بومعارفه‌یه اوزانمشدی ؛ فقط بویولده پک ایلری کیده‌مه‌یوردی ؛ اولاد مدخول
 برعزت نفس ایله اوایل قاپوجیلرک اقباسندن اولدیغنی اعتراف ایتک ایسته‌میوردی،
 ثانیآده ، ولوبویله غیباً اولسه‌ده، یقیندن یقینه طانیه‌لیدن بری اوکزیده کنج ایچون
 کوکننده هنوز خفیف، لکن صمیمی برته‌یج حس ایتشدی ؛ هر نه‌دسه بو هیجاندن
 قورقویوردی ؛ اوایل اولقله برابر آرزوی قلبه‌ینه غلبه چاله‌مادی، برکون درسدن
 اول درس‌خانه‌ده خواجه‌یی بکلرلر ایکن :

— فترت نکه ، بکا اعاده ایدیه‌یلیر میسکنر ؛ فضله بر قلمکیز وارمی ؛ بکنکی
 اوده اونو تمشم .

دیدی . (فترت) درحال جیندن بر قلم چیقارده رق قیزه تقدیم ایتدی اما
 متحیرانه :

— ماد موازل ، عفو ایدرسکنز ، صوره بیلیر مییم؟ اسمی نره دن او کر ندیکز؟ دیمکندن ده کندینی آله مادی . بر پارچه لطیفه ایتدکدن صوکره ماد موازل (مارسل) — قیزک آدی بویله ایدی — حقیقی ، موقعی اطرافیه مخاطبه آکلاتدی . بو وقعه نی متعاقبده بو ایکی کنجک آرالرنده کی معارفه طبیعیه آرتدی ؛ فقط (فترت) ینه جدیتنی محافظه ایله یوردی ، او لطیف آرقا داشیله یالکز او یله درس خانه ده کوروشیوردی ؛ درسدن چیققدن صوکره ده تمید الفته ، مناسبته هیچ قالدیشما یوردی .

برکون درس بیتمشدی . (مارسل) درس خانه دن چیقماق اوزره ایدی : — فترت بک ، شاید (مون پاراناس) ده طوغری کیده جکسه کز بکا رفاقت ایدرمیسکنز ؟ برمدتجک برابر یول یوریرز . دیدی . (فترت) ده بوتکیلی طبیعی رد ایده مدی .

ایکی کنج دارالفنونک آرقه قاپوسندن چیقیدلر ، (صوروبون) سوقاغنی ، صوکره (صوروبون) میدانی کیدیلر . (بولوار سن میشل) دن یوقوری طوغری یوریورلردی . فقط اونلرک آرقه لرندن ده اسمرجه ، قیصه بویلی ، سیاه بیقلی ، صقاللی ، ایریجه برکنج کلیوردی . تحف تصادف ، اوده ترک ایدی ، طبابت تحصیل ایتمک ایچون تقریباً بر یجق سنه اول (پارس) ده کشدی ؛ صوکره بهارده برکون (لوکسمبورغ) باغچه سنده (مارسل) ی کورمشدی ؛ بردن برده او حسن مستثنایه حیران اوله رق اوله اوزاقدن ، صوکره یاواش یاواش یقیندن باغچه ، مفتون مفتون باغچه باشلامشدی .

او قیز او کون او یرده قالدینی مدتجه ، هان بر ساعتدن زیاده ، بوکنج ترک او سیری دلفرییدن نظرینی آیره مامشدی ، قلابده او یله تحسسه اته اوغرامشدی که نهایت اوینه کیدرکن (مارسل) ی آچیقدن آچیغه تعقیبه جرأت ایتمشدی . فقط قیز یالکز دکلدی ، والده سیله برابر ایدی . بو تعقییدن برثمره حاصل اولمامشدی . (رها) نامنی طاشییان بو افندی فوق الحد چالیشقان ، اولدقجه ذکی ، انجق طبعاً سرد ، عنود ، حتی خشین ایدی . رفته ، مرحمته ، او درجه میال دکل ایدی ، مثلاً چوجق ایکن باغچه لرده کله بکلی طوتار ، پارچه پارچه ایدردی .

بعضاً بر قوشـجغزی یاقلار ؛ ئولدیروییری دی ؛ بیودی، ینه او سردلکنی ، او رقتسزلکنی محافظه ایلدی ، حتی آرتیردی . او زمانه قدر (رها) بک اساساً صوفی مشرب ایدی ؛ ذوقه ، سودایه او قدر میال دکلدی ، یکریمی بش یاشنه کمشدی ؛ عشق نه در ، بیلیمه مش ، طامامشدی . بوسفر بویله بردن برده (مارسل) د فوق العاده بر ابتلای نا کھانی کوستردی . بو حال بک شایان تعجب ایدی ، طبیعتک غریب برتظاهری دیمکدی . فی الحقیقه ، نه اولورسه اولسون ، انسان عاقبت قوانین طبیعیه نك زبونیدر ، منقادیدر . مثلاً بر فرد سومن ، سومن ، سودا نادر ؛ اکلاماز ؛ فقط برکون ، شبانده دکلسه سن کالنده ، حتی شیخوختنده برکون سور ، هم دیوانه جه سنه سور ؛ منطق ، اذعان خارجنده سور ، بعضاً بویله برسودا ایله مهلك بر بلایه بیله او غرار ، ئولور ، ئولدر ، هر جنایتی ارتکاب ایلر .

رهابك (مارسل) ك دارالفنونه ، ادبیات شعبه سنه دوام ایتدیکنی او کرمشدی ؛ حتی کیمک قیزی اولدیغی ، زرده او طور دیغی بیله تحقیق ایله مشدی ؛ پشنی برائویوردی ؛ فرصت بولدقچه آرقه سنه دوشیوردی . فقط بوقیزده او کنجه قارشی عادتاً بر حدت ، بر نفرت واردی . بو حالی اوزاقدن اوزاغه حس ایتدیکی ایچون رها بک بر درلو (مارسل) د یاقلاشه مایور ، یاقلاشه سوز سویله یه میور ، بعضاً بر ضربۀ جرأت ایله سویله مک ایسته دجکه طوکه قالیور ، آغر آچادن کری چکیلیوردی ، ملول مضطرب ، مأیوس دونیور ، کابۀ احزاننه دوشیوردی .

(مارسل) ایشته همان هرکون دارالفنوندن چیقارکن بو کنتجک او بر نوع تضیقاته ، بویله تعقیباته او غرا دیفی ایچون ممکن اولدقچه (فترت) ك رفاقتی رجا ایدیور ، بوسایه ده اوزا عا جادن قورتولمغه چالیشیوردی . طبیعی رها بر ارککه برابر کورونجه (مارسل) ی تعقیب ایده مزدی .

رهابك ايلك دفعه (فترت) ی (مارسل) ك یاننده کوردیکی زمان قیصق قانجلك ك قورقونج ، اك بر باد بر شکلی حس ایتمشدی ، اوکون عادتاً چیلدیر مش کی ایدی ، کیجه ده صباحه قدر اویقو اویویه مادی . برهفته قدر بو عذابی چیکدی :

شب چنین ، روز چنان آد ، چه مشکل حالست :

نهایت باشقه چاره بوله مادی . جبر نفس ایدرک بر مدتجک تبدیل هواء تسکین

الم ایچون (پارس) جوارنده بر یره چکلدی ده بر پارچه کندینی طوپلایه بیادی .
(فترت) ك ترك اولدیغنی بیلمه یوردی ، هنوز او کر نه مشدی .

فی الحقیقه بوزواللی کنجك (فترت) ی قیصقا مقده حق واردی . چونکه
(مارسل) اوندن نه قدر محترز ، متفر ایسه او برینه اودرجه مجلوب ایدی . ذاتاً
سیرت بیلمه سده صورت اعتباریله (فترت) رها بکه نسبة باشقه بر انسان ، بر
دلاور ایدی ، لکن (مارسل) او کنجك اویله خاله سندن تصادفاً او کرندیکی ،
بالذات ده کوندن کونه کشف ایله دیکی اخلاقك ، مغویاتك ده مقتونی ایدی .

کیتدجه تظاهر ، تزاید ایدن بومفتونیه (فترت) پك زیاده احتیاط ایله ، فقط
ینه نزا کتله ، تربیه ایله مقابله ده بولونیوردی . (مارسل)ك ، احساس اولدیغنی قدر
تشنه ، تشنه سودا قلبی ده هیجانه ، امیدلر ایچنده هیجانه دوشورمك ایچون
بومقابله کافی ایدی .

بوکوزل ، فوق الامل کوزل قیز یکر می بر یاشنه کشیدی ، (پارس) ده
ضوغدینی ، (پارس) ده بیودیکی ، حاصلی ، دائماً (پارس) ده یاشادیغنی ایچون ینه دائماً
بر نسیم نافذ غرام تنفس ایله مشدی ؛ تا اون بش ، اون آتی یاشندن بری عمومی
باغچه لرده کنز رکن ، سوقاقلردن چکرکن ، حاصلی هر یرده مفتونلره ، مبتاللره ،
عشق لره ، عاشق لره تصادف ایتمشدی ؛ لکن کزیده بر قلبه ، خجسته بر طبعه مالک
ایدی ؛ بویله بایاغی معاشقه لره هیچ تمایل کوسترمدی ، بر کرد اولسون التفات
ایتمدی ؛ بو آنه قدر عصمتی ، جدیتی محافظه ایله دی ؛ هوساته ، آمانه مضامعه ده ،
تبعده ، تحصیلده ، منعم ، لطیف بر هدف بولدی ؛ چوق او قویوردی ، فکر آ
پك مترقی ایدی ، (صوروبون) ده تحصیل عالیه بی تیردکن صوکرده دها ایلری
کیتمك ، طبق ارککار کبی او بیوک دارالمعلمینه کیرمك ؛ علمنی ، عرفانی اودرجه
ایلریله تمك ایسته یوردی ؛ بر زماندر فلسفه ایله ، بالحاحه آلمان فیلسوفلریله مشغول
ایدی ؛ (فترت) ده تصادف ایدملی بواشتغانی آتیر مشدی ، ابتدالری (شوپنهاؤئر) ی
اوقومشدی ، تحقده ، ادراکنه ملایم بولمشدی ، ذاتاً ابتدای عمر تفکرندن بری
حیاتك سیاه ساحلارنی ، بوش تپه لرنی ، قمر بی اتماسنی اوزاقدن اوزاغه کورییور ،
کشف ایدیور ، ایتدجه ده جهان ، آلاش جهانیه بر نظر استخفاف ایله باقمه

باشلايوردی، آرتق اویله بر سودجی قیزی طوغمش اولمقدن محجوب دکلدی؛ حتی کردونهلرده، مجوهرلر ایچنده کزن مطمئن، بیوک کبار قیزلرینی ذرهجه قیصقاتمايوردی، ذوقی دهاباشقه اندیشهلرده آریوردی، آریوردی، فقط بوله مایوردی؛ ایشته بوله مادیغی، ایشته بو حسیاتده اولدیغی ایچون (شونپنائوئر) ی بکه نمشدی، ده صوکره (نیچه) یه طو تولمشدی، فعلاً، اخلاقاً (نیچه) نك مسلکته سالک دکلدی، فقط (نیچه) یی چوق اوقویوردی، فکرأ تعقیب ایله یوردی.

بوفیلسوف عجیب دکلدرکه:

« بنم یازیلر مه تحمل ایتمک ایچون انسان بلند بر فطرت صاحبی اولمیدر، بوسبه مبنی درکه فطرة نحیف، فضیلتمند نه وارسه اویله لری علمده اغصاب ایتمک بختیارلغنه مالکم. »

دیتمشدی.

(مارسل) ابتدای امرده بو مستثنی، بو غرب، فقط ینه معنیدار دوشونجهلره قاپلمشدی؛ برنجی دفعه اولدرق (نیچه) یی اوقودینی زمان پک آ کلامامشدی، معنایه جاذبه دار بولمشدی، تکرار تکرار تبعه باشلامشدی، فکر ایچون، مفکره ایچون بویله چتین مساعیدن، ریاضتدن خوشلانیوردی. طبق (واغنر) نك موسیقیسی کی، بوموسیقی بی ده ایلك دفعه ایشتدیکی وقت احاطه ایده مه مشدی، فقط سود سود، سودکجه ایشیده ایشیده نهایت ادراک ایله مشدی: افکارینک، احتیاساتنک، احتراصاتنک مشی ازلی شئونه قارشی حدتته، غلیاننه او مؤثر، محتشم موسیقی ایله کشایش ویریوردی؛ بوسایه ده ایسه یالکز قلباً دکل، فکرأ، فلسفه جهده نشئهلره ایریوردی، ایشته (نیچه) یه ده عین سائقهلره میل ایله یوردی، بتون او مغلقات، او مبهمات ایچنده بوفلسفه نك بر نورینی، بر لبی کوریور، بکه نیوردی.

فیلسوف: « بز اوسرد روزکارلر کی بوزمین ناپاکک، بو محیط خسیسک فوقنده

باشماق ایسترز . ایشته سرد روزکارلر بویله یاشارلر ، قارتاللر ایله همپرواز ، قزلرک مجاورلری ، کونشله همربهدرلر »

دیوردی ؛ جهانی ده باشند باشه بوزدقدن صوکره عادتاً پیامبرانه اویله بر بدیعیه کوره تنظیم اتمک ؛ یا تنظیم ایدنش کورمک ایستدیوردی ، مشکلی سیه . تهلهکی راحته ترجیح ایله یوردی ؛ « مباح نهدر ؛ مکروه نهدر ؛ بر بقال ترازوسنده طازتیه ماز ، مسکینلکه ، کسه لیسکه ، حیله کارلغه هر قالدقدن زیده دشمن اومق کرکدر » .

کی احکامه وارنجیه قدر بو ملاحظه لری (مارسل) تقدیر ایدیوردی . اوبست ایتدیگمز بدیعیه نهدر ؛ بوتخیمات ناصدر ؛ هنوز بحق تعین ایده ، بلکه برابر بوفلسفه دن خشنود ایدی ، احوال دن ، مکونات دن یاواش یاواش بیزار اولمغه باشلادینی اچون خشنود ایدی ، ایشته بویله برحالت روحیه ده ایکن (فترت) د تصادف اتمشدی ، تمایل اتمکده باشلامشدی . .

ایکی کنج معارفیه ایلریله تیلر ، هرکون دارالفنون دن حقه رق (بلفور) میداننه قدر برابر کیدرکن پک دوستانه کوروشیورلردی ، ادبیات دن ، فلسفه دن ، موسیقیدن هرقدن بحث ایدیورلردی .

(مارسل) ک تقدیرلرینه ، تفسیرلرینه رغماً (فترت) نه (شوپنها مؤثر) ی بکنیوردی ، نه ده (نیچه) ی آکلا یوردی ، ده ا بسیط ، لیکن فکریته ، آمانه ده موافق ، بلکه ده متین بر فلسفه نک مقتونی ایدی ، حیاته دشمن دکل دوست ، یاشامغه میال ، یاشامقدن مسعود ایدی ؛ ذاتاً باباسندن ، آتیه سندن ده ارثاً اوضیعتی آلمشدی . او ترک ارککی ، او انکلیز قادینی تفرعاده اختلاف ایله سه ده اساسده اتحاد ایدن ایکی بیوک دینک تأثیرات ازلیه سیله مفرح بر فلسفه حیاتییه مظهر ایدیر . (فترت) ده بو مظهریت معنویه نک طبیعی وارثی ایدی .

فقط غریبدر ، بو ضدیت افکار تعین ایله ده که (مارسل) ک (فترت) د مجلوییتی آرتیوردی . حال بوکه (فترت) یاواش یاواش کشف اتمکده باشلادینی بوتمایله دائماً محترزانه مقابله ده بولونیوردی ؛ حتی کوکلنده بویوزدن بر نبذه اولسون ، هیجان هس ایده جک اولورسه هان اوطه سنه قاپانه رق چکمه سندن مکتوبلرینی

چيقارييور، اوقويور، اوقويور. سحر جكنى بول بولنه خاطر لايوردي.
 مثلاً بركون ينه (مارسل) ك بويله اوزون بر حسب حال نشاط آوريه فكرآ
 متلذذ، قباآده بر پارچه متهپچ اولمشدى، بوسائقه ايله اوه دونجه اوطه سنه چكلىدى،
 ينه خاطراتنه طالمق، صرف نشانليسى دوشونمك ايسته يوردي، ماصه نك اوستده
 بر مکتوب بولدى كه پوسته ايله سحر دن ككشدى، شويله ايدى :
 » فتر تجكم !

بومكتوبى پریشان، پك پریشان بوله جقسك، بلكدده اوقونجه قيزه جقسك،
 فقط بنى معذور كور، بيلسهك، حالا بيله نه درجه فكرآ بنى حضورم، قلباً
 مضطربم، بو حالك سببى دون كيجه كورديكم بر رؤيادر. اويله غيغ بر رؤيا كه
 فتر تجكمى بدن آيريور، همده نه خانانه، نه مهيانه آيريور. اوف!..

كويا (پارس) دن دونمشك، فقط هيچ بنى كورمه كلمه مشك، چونكه
 بر (پارس) كوزليله اوله نيورمشك، ياخود اوله مشك، هر حالده بنمه
 نشانكى بوزمشك. بومصيتى كليور، بكا خبر ويريورلر. پدرم، والدهم،
 قاردرلرم بنى بوفلا كتن تسلى ايديورلر، ايتك ايسته يورلر.

» آرادن بر مدتجك ياكچيور، ياكچميور، بركون قديلى يه مسافرلكه
 كيدر كن بر صاندالده اوسوديككله برابر سكا تصادف ايله يورز؛ دها كوزلله شمشك،
 بويك، بوصك، لطافتك هي آرتمش؛ رفيقه كده حقيقه كوزل ايمش، قولاقلى نه
 قدر ايتن اوسياه صاحبريله، ميني ميني ديداريله، بتون اطواريله جداً دلفريب ايمش

سزى قول قوله، بويله بويله برابر كوربر، كورمرا

بيچاره بن، فلكنزده بن. بدبختى قاره بن!

باييلمشم، تاساعتلرجه صوكره آيلنجه كنديمى ياليزده اك اوست قاتده ياتاق
 اوطه سنده بولشم، فقط فلا كتمه بر درلو قاتلانهمايه رق - همان نجره دى آچش،
 دكزده آتشم... اواشناده اويانيورديكم ايچون رؤيامك نهايتى خاطر لايامايورم.
 نه سوزشاك بر خيال دكلى؟.

» فتر تجكم، صاقين، بويازد قلمدن طولاي بكا قيزما، بالعكس آجى، آجى ده

مفصل مکتوبلریاز، امید ویر، تأمینات ویر. بویله برفاجه نك حقیقتده احتمالی اواندینغی آ کلات، اوبیان مونسکه آ کلات؛ قلمکه دکل، قلمکه آ کلات.

آد، ای رفیق مستقبل حیاتم، نه قدر مشتاقکم! محضا سنک ایچون، سکا ایرمک، سکا قاووشمق ایچون استقباله نه اشتیاق ایله منتظرم، اومارم که بوتخسر کونلری قریباً بتر، بترده آرتق اوعمر نورانی وصالزه باشلارز. شوچایرلری برابر چیکنه رز، شوچیکلری برابر طویلارز، بوزمینی، بوآمانی هپ برابر تماشا ایدرز.

« فترتجکم، بکا اطمینان ویر که بومسعود کونلر یقیندر، یقینده کایر، کله مک محالدر.

« روحم، فکرم، قلم هپ سنکدر، هپ سنکه مالامالدر. بتون بوسه لرم، تحسراتم ینه سکا در. سنک ایچوندر. سودیکم، سودیجکم »

(فترت) بومکتوبی اوقونجه هم متأثر، هم شاد اولدی؛ متأثر اولدی، چونکه اورؤیایی پک غریب، پک محال بولمقله برابر (مارسل) ایله اوالفت عمیقهدن متأذی ایدی؛ بویله برحرکتی سحرک محبته قارشی براهات دینیلهمز، انحق برحرمتمزلك عدايتديکی ایچون متأذی ایدی؛ صوکرده شاد اولدی؛ ینه چونکه بریاندن نشانلیسنی نه درین برغرام متزاید ایله سودیکنی اوانداده کی هیجان قلبندن آ کلابوردی، بریاندن ده نشانلیسنجه ینه اویله سولدیکنی بومکتوبدن حس ایله یوردی.

اوکون ایشته بوتفکرات، بو تأثرات ایله تهیجه کلدیکی ایچون کیجه یکردن صوکرده وضداشلرینی کورمکه (لافونتن) قهوه سنه کتدی. وطن حوادثی، وطن حکایری، وطنداش مصاحبه لری ایشیده رک ینه وطنه، ینه سودکلرینه، باخصوص سحرده حصر وقت ایتمک ایسته دی.

وکیجه بوقهوه مستتی برصورتده تکرارله طولوایدی. خاقان بکه برابر طلبه عثمانیه نك الكزیدلری اوراده ایدیلر. بواقیدیلرک ایچنده بر (زوال) پک وار ایدی که یکریمی آلتی، یکریمی یدی یاشنده بر کنج ایدی، شاعر ایدی، شاعر لقبیه معروف ایدی؛ صحیح، فطره ده اویله ایدی. جهانده خیالی حقیقتدن

بر درلو آیره مایوردی ، قوهٔ مخیله سنی هیچ بر زمان فکرینه رام ایده میوردی ؛ سکز سنه دن بری (پارس) ده ایدی ؛ چوق اوقومش ، چوق کورمش ، چوق دوشونمش ، حتی چوق چالیشمش ایدی ؛ فقط هیچ بر مکتبه ، هیچ بر مسلکه جدی بر صورتده دوام ، سلوک ایده مه مش ، امتحانلرینی هیچ بر زمان تمامیه ویرمه مش ، اصلاً شهادتنامه آلامشدی ، چونکه دائماً بر معتاد خیالنه اتباعاً وظیفه داخلنده دکل ، وظیفه خارچنده ، فقط بر یرینه بش ، اون ، اونش چالیشمشدی ؛ مثلاً علوم سیاسیه مکتبنده حقوق دول خصوصیه دن کوچک بر فصلی بر درلو تتبع ایده مه مش ، او درسدن امتحان ویرمه مش ، لیکن درس لرینک خارچنده بالفرض الکرین مسائل تاریخیه یی عریض ، عمیق تدقیق ایله مش ؛ اوقدرکه تاریخ عثمانینک اک مهجور غوامضنی ، فرانسر تاریخنک ، حتی تاریخ عالمک پک چوق حقائقنی پای تختمزک اوکلیشی کوزل مشاهیرندن دها مکمل بیلیردی .

حاصلی ، بو کنج اوقومش ، فقط کیمسه ایچون ، بر ایش ایچون ، بر اندیشه ایچون دکل ، صرف کندی کیفی ایچون اوقومشدی ، حالاده او یله اوقویوردی ؛ مکتسباتندن باشقه لرینی مستفیض ایتکی ، نه ده بالذات فعلاً استفاده ایتکی دوشونمه یوردی ، بیلمه یوردی ؛ نه زمان ، نه ایشده اولورسه اولسون ، هپ شاعرانه ، هپ شعر ایچنده دوشور ، قالدیور ، یو وارلانیورددی ؛ تبعاتی ، مطالعاتی قهوه لرده ، باغچه لرده ، حتی سوقاقلرده ، فقط نادراً کتبخانه لرده ، دائماً قاشله کوز آراسنده ، یا کزینیرکن ، یا بر مجلسده بر بحث دیکلرکن کتابنی قاریشدره رق یوروتیردی ؛ حیرت ! بویله اولمقله بر ابر اوقودقلرینی رعنا آکلاردی ، حفظ ایدردی ، تمیل ایلردی ؛ خارق العاده بر حافظه یه مالک ایدی ؛ یالکیز فرانسرجه ، ترکیه پک چوق شعرلری ، تاریخدن فقره لری ، منقبه لری از برله مشدی ؛ بعضاً کولونج یا قورقونج ، لیکن ادبی بر تیاترونک اک پارلاق فصللرینی بر دیکله یشده ذهننه نقش ایلر ، صوکرده آرقاداشلرینه فرصت دوشونجه نقل ایدردی .

اکممدوح ، اکناجیانه معناسیله خراباتی ؛ فکرآ ، فعلاً ، قلباً هپ خراباتی ایدی ؛ یازمقده ، اوقومقده ، سومکده ، حتی یمکده ، ایچمکده ، یاشامقده او یله ایدی .

فرانسه ادبیاتنه واقف ایدی ، فقط او یله سطحی بر صورتده ، یعنی ماضی یی

بیلمه‌دن حال ایله یاریم، یامالاق اوغراشانلردن دتل ایدی، تا اون یدنچی عصردن اعتباراً، (قورنه‌ی) لردن، (راسین) لردن باشلایه‌رق؛ (روصو) لری، (وولته‌ر) لری کوزلجه آکلایه‌رق زمانزه قدر بو ادبیاتی جدأ تتبع ایله‌مشدی. مثلا (سید) دن، یا (آندروماق) دن بر بیت کورسه، ایشیتسه اوسوزک کیمدن اولدیغنی درحال سویلردی، اصلاً بر اثری او بریله قاریشدریمازدی. (راسین) واری، یعنی غرامیات ایله، سوزشله، شوق ایله سویله‌شمش بر شعری (قورنه‌ی) طرزنده حماسه‌له، تجلده ایله یازلمش بر پارچه‌دن درحال تفریق ایلردی؛ او عصر ادبی اطرافیه ادراک ایتمشدی؛ او ادراک ائناسنده یونان، لاتین ادبیاتی‌ده تعمیق ایله‌مشدی؛ چونکه برینک والد و مادری او برلری اولدیغنی کوزلجه بیلوردی.

زوال بک شعرد او ابتلا ایله برابر فرانسه‌ده اون سکزنجی عصرک او بلند مرتبه ادیب حکیملرینی او قومقدن‌ده کری قالمامشدی، او آبی انقلاب کیری مکملأ طانیوردی؛ بر مصاحبه‌ده بالفرض (مونته‌سکیو) نک، (وولته‌ر) ک، (روصو) نک تصویر حقیقلرینی اک دقیق علامت فارقه‌لریله یابه‌بیلردی، مثلا برنجیده‌کی تمکینی، اعتدالی، اومتریقانه محافظه‌کارلنی، یا محافظه‌کارانه مترقیلکی، اختلالدن، بلکه‌ده انقلابدن زیاده تکامله، اصول ایله، قوانین ایله تکامله تمایلی کوستریردی؛ ایکنجینک ده‌ای وسیعی، ادبیاتدن علوم قدرجهان عرفانی محتشماً احاطه‌سنی، عمومیت اعتباریه فکر بشرک ترقیسنه خدمتی سویلردی؛ لکن زندیقلمکینی، منافقلغنی، قراله، سرای ارکانته لمنفعه اوزلیلانه تبصصنی. حاصلی (پومبادور) ده قالأ قلمأ، فعلاً تملقنی، طالقاً و وقلغنی کافه حقائقله بیلردی؛ اوچنجی‌یه، (روصو) یه ایسه، عادتاً حیران اولوردی؛ چونکه اوبیوک فیلسوفک سیاسیات قدر ادبیات‌ده خدمتی خارق‌العاده بولوردی؛ حقیقه (روصو) باشقه بر مجدد ادب ایدی، اون طوقوزنجی عصر ایچنده تجلی ایدن ترقیات ادبیه‌نک‌ده والدی اولدی؛ یازدقلرینی طبیعتدن درین راستفاضه ایله، دائماً صمیمته، هیجان ایله یازدی؛ اوقدرکه باشند باشه فیض وجد ایچنده، الهامات ایچنده‌در. (شاتو بریان) بیله اوده‌ای ادبسیله برابر (روصو) نک مجبور فیوضیدر...

زوال بک اک درین اختصاصی اون طوقوزنجی عصرک ادبیاتنده، بالخاصه

ادبیات اخیرہ سندھ میدانہ قویوردی ؛ فی الحقیقہ خیالیونی بکئیوردی ؛ (شاتو بریانی) ی ، (هوغو) ی ، (موسہ) ی ، (لامارتین) ی ہپ سویوردی ؛ اوقدرکہ (لامارتین) ی پارلاق برمورخ عداۃتکبیلہ واریوردی ؛ لکن (تہ توفیل غوتیہ) یہ ، بالخاصہ شاعرک اعتباریہ ، بایلیوردی ؛ اسلوبہ اوتراشیدہ لکہ ، اوباشقہ برطرز بدیعہ ، اوقہ ، اودایہ مہوت اولیوردی ، قلباً ، فکرآ مہوت اولیوردی ؛ اساساً بتون بوجلویت ، اوخیرت سائقہ سیلہ (تہ توفیل غوتیہ) دن باشلاہرق (تہ تودوردوبانویل) ی ، ہلہ (بودلہر) ی ، (ورلہن) ی ، (مالارمہ) ی (مورہ آس) ی اوقومش ، عاشقانہ ، مشتاقانہ ، واقفانہ اوقومش ، آکلامشدی . (ام چیچکلری) نی پک بکئیوردی ، لکن اوترجہی بکنمہ یوردی ، (شر چیچکلری) دیہ تصحیح ایلہ یوردی ؛ چونکہ (بودلہر) خیرک ضدینہ شرک ناشدی ، حتی ناشد نشاط آوریدر « دیوردی ..

فقط (فترت) دہ اوکا : « الم شردن دہا لطیفدر ، جاذبدر ، شاعرک حیاتی ایسہ ابتدادن انتہایہ پک الماک اولدینی ایچون اوشعرلرہ اولہ برعنوان ویرمک دہ پک معنادن عاری اولماسہ کرکدر » دیہ مقابلہ اییدیوردی ، لکن لطافتدن زیادہ وثوق آرانیرسہ بودعوادہ حق زوالک ایدی .

مشہور (تہن) « چرکین بعضاً کوزلدہر ، فقط کوزلدہر کوزلدہر » دیمشدی . زوال پک ینہ (بودلہر) ہ ابتلاہ پک ایلری کیتدیکی ایچون او « بعضاً » قیدی بیلہ قبول ایتہ یورہ بیوک برشاعر بریارہ بییلہ جینیزلہ تشریح ایدرکی تعریف ایلرکن کوزل برائر میدانہ قویارہ ک مستکرہ برچرکینلکدن ک بلند کوزلکی چیقاریر ، دیوردی ؛ ذاتآدہ ک ایکرنج تصورلری ک بیوک بر قدرت شاعرانہ ایلہ تصویر ایلہ دیکی ایچون اوشاعر زوالپرستی ، شریسنندی او مرتبہ تقدیر ایلہ یوردی ؛ (مالارمہ) ی ، ہلہ (مورہ آس) ی ک چوق اوبدایع عجیبہ اسلوب ، او هنر نادیدہ اعتباریہ سویوردی .

شعرده ، حتی نثرده بوابتلالر ، بوسودالر زوال بک فکرینہ ، طبعنہ اودرجہ حلول ایلہ مشدی کہ ترکجہدہ سنوحتی ، شاعر لکنی ، ناثر لکنی اولہ جہ تہذیب ، لکن صوک درجہ تحدید ایتشدی .

« اقلیمده حکمی یوقی فرقک؟ .. » ، اویله بر بدیع صعبک لسانمزه تطبیقی
 مکنمیدر ؟ زوال بک اومشکللری دوشونمهیوردی ؛ بر (تهوفیل غوتیه) کبی
 ترک شاعری اولمق . (ههره دیبا) کبی ترکجه شعر سویله مک ایسته یوردی ؛ بعضاً
 بر کله ، بر صنعت ، بر قافیه آرایه رقدن کونلر کچیوریوردی ، بر مصرعی بر هفته ده
 زور ایلاردایدیوردی ؛ ایشته بویله بر اندیشه ، بر امل ، حقیقه دامن حشره
 باغی بر طول امل ایله چالیشیوردی ، چابالایوردی ؛ بالفرض بر جهان قدیمک
 صفحات حیانتدن بر مضطهیی ، بر محیطی تصویر ایله مک دیله یوردی ، دکلای ؟
 کونلرجه اجتهاددن صوکرده :

هیا کل سرتسر طونج

کولر قورقونج ، قورقونج

بیتی کبی هم اوصحنه ماضی نی بحق خیالده تجسم ایتدیر بر ، همده کله ، لفظ ،
 قافیه اعتباریله آهنگدار ، تراشیده ، مقید بر قیاج بیت سویله یور ، طور یوردی ،
 ده ایلری کیده مه یوردی .

زوال بک ینه بومساک ادبک تأثیریه ادبیاتمزی ، شعریمزی ، شاعرلریمزی
 کنج لریمزدن بسبتون باشقه بر طرزده آکلایور ، تقدیر ایدیوردی ؛ غالباً
 اوزاقدن اوزاغه (بودله ر) ه بعضاًده طبیعت اعتباریله پک بکره دیکی ایچون اولسه
 کرک ، ندیمی سویوریوردی ؛ فضولی نی ده بحق تجیل ایتک انصافی دایما اظهار
 ایله یوردی ؛ او برینک :

بویدن ، خوش رنکدن یا کیزه در نازک تنک

بلاه مش قوینده کویا کیم کل رعنا سنی :

کبی سوزلری لفظ و محتاجه امل ادبته موافق بولیوردی ؛ همانمه سنی وادی
 اوصافده بر خارقه بیان عدایله یوردی ؛ سعد آباد نشیده لرینه ایسه مفتون اولیوردی .
 بریکسک ده :

دون سایه صالیدی باشمه بر سرو سر بلند

کیم قدی دلربا ایدی ، رفتاری دلپستند ،

گفتاره کلدی تا که آجوب لعل توشخند
برپسته کوردم اوئده دوکر ریزه ریزه قند
صوردم ، مکر بودرج دهندر ، دیدم ؛ دیدی :
یوق یوق دوای دردنهانکدررسک !

مسدسنی ، هله او صوک بدیعه رجوع وتریدی ، بالخاصه مضمونجه خبیسته
بولیوردی ؛ غزللرینی ، نعللرینی برصفت و صلابت قلبیه ایله دائماً تلاوت ایله یوردی .
ومن الغرائب ! زوال بك معاصرین شعرا مزدن ناجی بی ، نهوت ، شبان ادبیزك
تحف بر کورده نك سیئه سیله اوتهدن بری ناحق یرد تذلیل ایدکدن کیری معلم
ناجی بی پك بکه نیوردی ؛ آتشیاردی ، هله شراره بی حتی فروزانی بکه نهرك
اوقویوردی ؛

سکاکیزه یور شو طافاك باشی
نه زمان باقلسه دوما نلیدر .

ترانه لرینی بیله لفظجه ، معناه ساده لك ، انسجام ، لطافت نقطه نظرندن
خوش بولیوردی ؛ حتی علناً دیوردی که :

« ثروت فنون حقیقت ادبیاتدن عجیب بر ذهول ایله ناجی بی مواخذه ایدرکن
اخلاق خصوصیه بیله ایشه قاریشیدیریور . حال بوکه اك موثوق بر صورتده
ایشیتدیکمه کورده ناجی مرحوم اساساً حسن اخلاق صاحبی بر آدم ایش ؛ ولو اویله
اولماسه بیله مزیت ادبییه بی فضیلت اخلاقیه کوره تعینه قلیشیرسه ق مثلاً فرانسه ده
(روصو) دن باشلایه رق (بودله ر) ، (ورلن) ، (انکلتره ده) (اوسقار وایلد) ده
وارنجه یه قدر جهانك برچوق دهات ادبی ادبیاتدن خارجه آتملی یز .

« حق الانصاف دوشونیلیرسه ، بو طرفکی رانه مواخذه لردن صرف نظر ، ناجی
افدی دورینك ، مملکتك حقیقی برشاعری ، بیوک برادییدر ؛ شعره برشیوه
بیانه مالکدرکه طرز قدیمك ، پارلاق بر درجه تکاملنه دلالت ایلر . الفاظه محبت ،
اداده ترکك ، مونسلك ، معناده وضوح آثار ناجینك اك رعنا خاصه لریدر .
« نفی ، باقی ، نابی کی قدما ی شعرا یی کوکلره چیقاریرکن بو معلم ناجی

نامنی یرک دینه باطیرمق بیوک حقسنزلقدر؛ چونکه اوده اونئردن عمومیتله شعرده اکثریا کرتی قاناز، فقط بعض وادیلرده، مثلاً غزلده معاصرلرینه فراخ فراخ تقدیم ایلر :

ای عشق، بیلدیکک کی یاق، بیق دروغی .
برکیمه سز بلا زده نك خانمایدنر ...

ندالریخی اومتین، مؤثر اولدینی قدر روح استیناس افاده ایله دیوانلریمزده نادرا آکوریرز. »

اسلوبده صنعت، بلور کبی تراشیده بر پارلاقلق، الماسی آندیریر برقیمت آرایان زوال بک ایچون ناجی نادرالامثال برشاعر ایدی. مثلاً شعرای سائرهمز شعرده مابدن، زحافدن توقی ایدیور، صحت و آهنگ ائادهیه اودرجه دقت ایله یورلردی. فقط اوتوقی، بودقتی یا لکزی عربی و فارسی کله لره حصر ایله یور، ترکیه لره اوقدر نشمیل ایدمه یورلردی. . ناجی ایسه ترکیه کله لره بیله ممکن اولدینی مرتبه حق بیانلریخی ویریور، بوزمینده اک کوچک امالهدن پک بیوک مهارتله احتراز ایله یوردی. ایله یوردی ده :

هواده یپراغه دوندیردی روزکار بنی

یاخود

بایرامده بر نظامنه قویدم که خانهی

کبی سلس، مونس، فقط بحق ترکیه، ترکیه اولغله برابر نه قدر موزون، نه درجه آهنگدار. اسلوب اعتباریه حقیقه برر بدیعه نشیده لر انشاد ایله یوردی .

ذاتاً صحت الفاظ اعتباریه، اعتراف ایتلیز، کرك متقدمیندن، کرك متأخریندن ناجی کبی برشاعریمز یتشمه مشدر. غوامض لسان عثمانی اودرجه معقول، مفید بر طرزده تتبع ایله یولریمز، هله بو تبعاتی اوپله مسعود بر صورتده موقع تصنیف وضع ایدلریمز اولدیمی ؟ . بوکون اولدقجه طوغری، صرفآده، نحوآده طوغری ترکیه یازده بیلیمک ناجی اوزون اوزادییه اوقومقله، بحق آکلامقله میسر اولور. کنجلیرمزدن، بیلنمز نه ایچوندنر؟ . بو استاده ناروا بر عداوت بسله یولریمز

اسلوبده خطادن، ممکن دکل، صاقینه مازلر. . لسانمرك قاعده جه بعض دقائقی واردرکه صرف ناجینک همتیه اورتایه قوندی. . بالفرض (دقائقی) دیدک، اکثریتیه یازدقلری کبی (دقایق، حقایق، فضایح) دیمه دک. بوقاعده عربیه بی ترکیجه مزه مقبول، مؤثر بر صورتده نقل ایدن (شراره) شاعری اولدی. فقط (بدایع، صنایع، فیجایع) کبی نهایتده عین اولورسه همزه بی یایه قلب ایتک اقتضا ایده جکنی ینه اوبیلدیردی. (تارمار) کبی فارسی کله لر غلطله فضولی برواو علاوه ایتدیکمزی ینه بزه ناجی او کرتمه دیمی؟ (باشلامازدن) یرینه (باشلامادن)، (ظن ایدرسم) دکل، (ظن ایدرم) دیمک اقتضا ایده جکنی اک اوکجه کوسترن. بووادیده قواعد کتابلریمک هیچ قاله آمادیغی لسانجه برچوق دقیقه لری تدوین ایله ین اودر. .

آه، بیلیم، بعضی چوق بیلنلریمز، یاچوق بیلیر کورونسلریمز بو حقائق استخفاف ایدرلر، کوچک، اهمیتسز بولورلر. آواره لر بیلملر، آکلامازلرکه بوقاعده لرک وضعی لسان عثمانی عاداتا احیا ایلر، بوغوامضه وقوف ایله یازی یازانلریمز البته باشقه برمزیت، بر معرفت کوسترمش اولورلر.

آثار ناجینک بیوک بر قیمت دیکری ده ابتدادن انتهایه بر فلسفه بی محتوا ایتسیدر. بوفلسفه خارق العاده میدر؟ اوجهتی محاکمه ایتیه یورز، آنجق موجوددر، منظوم، مشهور معلمک هراثرنده مند مجدر، ایشته بوفضلی تقدیر ایله یورز. .

سراج احمد افندینک اوغلی عمر محویت، ساده لک، ییچاره لک ایچنده یتشیور، چوجوقلغنی نه صفوتله، نه بیوایه کپیوریور، - عمرک چوجوقلغنی - بیلورز، صوکره مدرسه نشین اولیور، وارنده مکتب معلمی اولیور، روسجقده مستطق کاتبی اولیور، یاواش یاواش یوکسه لیور، یوکسه لیور، برکون مسعود خراباتی، معلم ناجی دییه میدانه چیقوریوریور. چونکه فطره برمزیتیه مالکدر، شاعردر. بزده ایسه شعر دور قدیمده مثلاً برسراج چراغنی، باقی بی آلیر، برمرتبه علیایه رفع ایدیوریوریور. . اوده بورفعتی بولونجه ماضی بی هپ اونوتور. :

بودور ایچنده نیم پادشاه ملک سخن
بکا سونولدی قصیده، بکا ویرلدی غزل

دیردی. . ناجی ایچونده بویله اولدی، مدرسه نشین ایکن :

مقصودك تحصيل اطمنان ايسه
 ذكر حقدين اولماسون قلوبك تهی
 تازه قيل شام وسحر ايمانكي
 قل هو الرحمن آمنا به

ديين عمر خلوصی ، وارنده مکتب خواجه لکنده :

الله نه در ؟ دنجہ غافل .
 الله ! دیوب خموش اولور دل

تضرعانه قویولدی .

مستغرق کتابتده ايسه :

جانيلر اينچنده قالدی ناجی
 تخلصنه یوقی بر دعاچی؟

دیه ناجیانه دوشونمکه باشلادی.. مؤمن ، متقی ، مهددن حده اویاه ایدی ،
 فقط رقیق بر قلبه مالک ایدی .

سالب آرامدر ناجی دل رقت سرشت
 مالک اولسه کاشکی بر قلبه سنک خارهدن ..

دیردی ، بورقت قلب سائقه سیله درکه اسیر عشق ، مجلوب شوق اولدی . لکن :

ای عشق ، بلای جانم اولدک :
 آتشزن خانام اولدک .

دیمسنه رغماً جدی ، سورکالی بر عشقه مظهر اوله مادی ، بر حسن مستثنایه
 ربط قلب ایدهمدی :

انجذابک کور یایر نرهده بر آفت کورسهک
 کورمه هم سن کبی عالمده بلا خواه کوکل

دیدي ، طوردی ، بوحر و میٹک سوبقیله شوقی ، تسلی یی عشرتده ، خراباتیلکده
 آرامغه باشلادی ، ذاتاً باشقه بر جهتدن ده متأثر ، محزون ایدی ، (دجله) یی
 سیر ایدرکن :

طونه لاشدک کوزومده کیتدکجه

دیور ، وطنك او پك سودیكى قسم معزینی دأما خاطر لایوردی . روسیه
محاربه سنی متعاقب او مهاجرت :

جانان ده مهاجر اولدی شمدی
اثر نبوی یه مقتنی یز .

سوزشناك ایدی ، ناجی بی دأما دلخون ایتدی :

وطن حكا به سی خواب آور اولدی حضاره
بن آغلادم ینه تأثیر داستانه بندن .

بتون بوفطرت ، بواضطرابات سائقه سیله در که شراره مؤلفی عشرته مبتلا اولدی .

دكل غریب بولونسه مدام مست خراب
مسافر م وطنك بر خرابه زارنده

دییه متصل ایچیوردی ، ایچدیجده :

قراریاب اوله مام کرچه مست سرشارم
حسد ، اورنده که آسوده در مزارنده

دیجکه قدر کیدیوردی ، نهایت قربان باده اولدی ، وقتندن اول سوندی ،
کیتدی ؛ عشرتك حرام اولدیغنی بیلیوردی ، فقط او اعتقاد قدیمه رغماً یسه
ایچیوردی ، چونکه ذاتاً پك سودیکی بر معاصریله همزبان اوله رق :

لقمه غم که کلو کیر ملال اولدی بکا .
شیر مادر کی می شمدی حلال اولدی بکا

دیور ، یسه عین لسان ایله :

کبریا عشقنه ای مغبچکان می کتیرک ،
ویرمه یك ، فاصله بر لحظه پیانی کتیرک .

فریادینه بیله جرأت ایله یوردی ، لکن زندیق دکل ، صاف ایدی ، بحرمانی
غفران الهی یه صیغه رق :

تکرینک مغفرتندن ده بیوکی کنهم ؟

دیه ارتکاب ایلردی؛ فقط تکمیل انقاس حیات ایلرکن :

برنفس توحیددن آیرلادم الله بر

دیدى، صوك نفسنده بيله بر مصرعده هم کران بر خراباتیلکی درین براتقا ايله مزج ایدن فلسفه سنی ، همده صحت وصنعت الفاظه مرتبه مجلوبیتی ، عمرینک او تمایل مضاعفی بلیغ بر طرز ايله افاده ایلدهدی .
ادبیاتده تدقیق ، توغل ناصل اولور ؛ بر شاعرك حقائق ماهیتی نه صورتله کشف اولونور ؛ آثار غریبهیی جداً تتبع ایدن او کنج ترك مکملأ بیلوردی ، بیلدیکی ایچوندده ناجیی بویه اوزون اوزادییه اوقومش ، آکلامشدی .
فقط غریب او ایدی که (آتشیپاره) لری ، (شراره) لری یازان شاعر ایچون بوتقدیر ایلله کوریلوردی .

زوال بك فرانسه ادبیاتنده او درجه زوالپرستکیله برابر ادبیاتمزدده بویه منصف ، معتدل ، محافظه کار ایدی ؛ مع الاسف بتون بومزایایه رغماً قیصر ایدی ؛ هیچ بر زمان بر نتیجهیه ایریشه مزدی ؛ بر اثر میدانه قویامازدی ؛ چونکه فکرأ فرنکلرك (وولونته) دیدکلری عزمه مالک دکلدی ، هیچ دکلدی ؛ بر اندیشهیی مداومانه ، مصرانه تعقیب ایده مزدی ؛ برامله جدایله ، جهدايله ایره مزدی .
مرامك لندن نه قورتولور ؛ انسان عزم ایدنجه نهیه اولسه موفق اولور .
زمانمرك کزیده بر فیلسوفی :

« برعزم قوی و تمادییه نه مقاومت ایده بیلیر ؛ طبیعتی ؛ انسانلرمی ؛ حتی مشی شونمی ؛ اصلاً . »

دیور ، ایسته زوال بك بو حقیقت فلسفهیه ازلدن بیکانه ایدی ؛ (نیجه) یی ، او آلمان فیلسوفنی اوقومغه جداً محتاج ایدی ، تا که عزمك فوایدنی ، محاسنی تقدیر ایتسون .

عزمسزلك هرکس ایچون بر تقیصه در ، فقط بالخاصه بر کنج ایچون بر فلاکتدر ؛ چونکه ص حب عزم اولمایان حیاتده بر موفقیته ایره مز ، پریشان اولور ، کیدر .
زوال بك (لافونتن) قهوه سنده کی بواجتماعلرك هر جهتجه ، مزاج ، اکلنجه ، آلائی اعتباریه ده شلدکی ایدی ؛ اساساً حقیق بر وقعهیی دائماً اویله کولونج بر

طرزده تعریف ایدر، اویله تمسخره دوشوریردی که بتون سامعینی کولدریردی؛
مثلا اوکیجه شوماجرانی نقل ایله یوردی :

— بوکون (علوم اجتماعیه) مکتبده برحادثه اولدی که بنی ملیت مناسبتیه پک
اوطاندردی؛ هانی استانبولدن کچنلرده عبدالسیحان صاحب افندی اسمنده بربدلا
کلشدی؛ بیلیم هانکی هیئتک مبعوثی، مرخصی صفتیه اوکنه کلنه دعوتلر ویریور؛
اوتده، بریده قاش، کوز یارار برفرانسزجه ایله تظقلر سویله یور؛ دارالفنونی،
مدارس سائرینی طولاشیوردی. ایشته او حریف برکون او مکتبده (ژان ژاق
روصو) یه دائر بر درسده ایدی، تماماً اوکده اوطوریوردی.

خواجه (روصو) نک سیاست اجتماعیه سندن بحث ایله دی، بو صیره ده علوم
اجتماعیه نک بعض غوامضی آکلالتدی. بومباحثی دیکلر کبی کورونیرکن اوقوص
قوجه صاحب افندی باشی اوکنه طوغری اکهرک میشیل میشیل اویومغه، برآراق
خورلامغه بیله باشلامسونمی؛ هرکس او طرفه طوغری باقغه، کولمکه قویولدی،
برکت ویرسون که آرقه دن پالطوسنی برچکدم، آدجغزی اویاندردم:

— آمان صاحب افندی، دقت بیوریکز، اویومایکیز، عالم سزه باقیور.
دیدم، اوده محجوب دوشر کبی اولدی، اوکسوردی، سیلکندی، کندینی
طوپلادی؛ لکن حالا صاغدن، صولدن مستهزیاته ایتساملره هدف ایدی، فقط
بلایه باقیکیز، غالباً بواسطه خفا فلرک انتقامنی آلمق ایسته دی؛ برمدت صوکرده، درس
بیتر، بیتمز آیاغه قالدی، ینه او پڑمرده فرانسزجه ایله:

— استاد محترم! مساعده بیوریرمیسکر؛ بعض معروضاتم وار.

دیدی، مخاطبک جوانی بیله بکله مه دن شوسوزلری صاووردی :

— استاد افندی، طلبه افندیلر، علوم اجتماعیه دائر بو نعمیاتکیز، بوتبعاتکیز
شایان تقدیردر، (ژان ژان روصو) کزک فضلنی، اقتدارینی تسلیم ایدرم، بنه
برابر بتون وطنداشلم، حتی بتون شرقلیلرده تسلیم ایدرلر. فقط انصافکزدنه
عین معامله یی بکلرز: شرقرزده علم اجتماعه، لدنیات اجتماعیه او درجه خدمت
ایدنلر اولدی، بو علمک تاریخی تدریس ایدرکن نیچون اولردن بحث ایتمه یورسکر؟

نچون مثلاً (ابن خلدون) ی اوقومايور، طانیايورسکیز؛ بویله بر ذھول عرفانکیزه
یا قیشیری ؟

« دونینه بودرسخانه ده کی تاریخ موسیقی تعریف اولونیوردی، (شوپنبائر) ده،
(برلیچ) ده وارنجهیه قدر جهانک موسیقی شناسلری قاله آلدی : فقط کیمسه
اویسوک (فارابی) بی ذکر ایتهدی. (فارابی) که موسیقینک... »

سایح افندی اویاودلردن صوکرده بو حوصله به صیغماز پوطی قیرار، قیرماز،
خواجه طایانامدی، کولومسه دی، فقط سامعین بر قهقهه در قویاردیلر، آياغه
قالقدیلر، اورتالق قارما قاریشیق اولدی؛ اوتنه کی، بریکي « بوجنون کیمدر؛ » دییه
صوریورلردی .

ترك اولدیغی آ کلاماسونلر دییه همان افندی بی قولدن یا قالادم، دیشاری
چیقاردم، فقط او مبارک، بواضمحاللدن ذره قدر متأثر اولق شویله طورسون،
« سبحان من... » یولده بکا شو سوزلری سویله مسومنی ؟

— نورعینم، شاهد مسک، کوردکیا، ناصل، حقائق شرقیه بی میدانه دوکدرک
بتون شو غریبللری، خصملری الزام، اسکات ایله دم، حریفلر جواب ویرمدیلر،
ایشی سفصیه بوغدیئر. مسئله بی اضرافیه تشریح ایدرکدن (صباح) دیازده جیم، استانبولده
یزی بکنمه یین یادکارلر عبدالسبحان سایح کیمدر؟ عبدالسبحان سایح اوروپایه
چیقارسه نه ایش کوریر؟ عبدالسبحان سایح دینه، ملتیه ناصل خدمت ایدر؟
آ کلامسونلر .

بوتفاخردن صوکرده یینه فریح، فخور آرابیه قورولدی، طبیعی بوفتو حاتی
آ کلامق ایچون، طوغری سفارت سنیه یه کیتدی .
اوکیده طورسون، بو واقعه بی مبهوت، ملول تفکر ایله دکه ایچمدن :

ای خرد بخش اصفای عباد ،
نه تحف بندلر یار اتماده سک :

دیدمدی .

فی الحقیقه بو ذات شمدی درسعات مطبوعاته بو حادته بی ایسته دیک، آ کلامدی
کی تفسیر، توصیف ایدرک یازار. بویازیلری اوقوینجه : « عشق اولسون، ایشته

عبدالسیحان افندی بتون اوزوپیه کنجلی میزدن زیاده اوروپا لیلره کندنی کو سترمش فضل ذاتیسی ده ، فضل ملیسی ده تقدیر ایتدیرمش ، وطن پرورلک بویله اولور . «
دییه نلریمز بولونور ، همده پک چوق بولونور . بز عامه عثمانیه اوروپائی ،
اوروپا حقائقی ، کلاتی بویله آکلاتیورز . صوکرده ملکمزده ترقیات فکریه نک
فقدانندن شکایت ایله یورز ، نه صاف آدم لرز . »

خاقان پک دیکر لری کبی اوکجه کوله رکدن ، کیتدکجهده متأثرانه دوشونه رکدن
زوال بکی دیکله دی . صوکرده شو مطالعه لری بسط ایله دی :

— زوال پک اوغلمز طبیعی بر معتاد مجلسی بر بارچه نشئه اندیرمک ایچون مبالغه
ایدیورلر ، بووقعه البته اوصورتله جریان ایتمه مشدر . عبدالسیحان ساج افندی
ملکتمزجه شویله بویله معروف بر ذاتدر ؛ آلمان اولسهده (شوپنهاوئر) ک
موسیقی شناس ، (برلیچ) ک ده (برلیوز) اولما دقلری البته تمیز ایدر ، ایتمه سه
بیله اوایله بر محفلده بویله بیاناته جسارت ایده من .

زوال پک حادثه نک صحتی مصرانه ادعا ایله دی ، خاقان پک ایسه مطالعاتنده
شویله جه دوام ایتدی :

— نه اولورسه اولسون ، یالکز کنج شاعریمک اوصوک ملاحظه ستی تأثرله
تلقی ایتمه مک محالدر . ایشته همکیزک یوزیکزه قارشی سویلرم : سز کنجلیمیز که
بوجهان معرفتده اکمال تحصیل ایله یورسکز ، وظیفه کزی کاملاً ایفا ایتمه یورسکز ،
کلات تجربیه بی عامه عثمانیه آکلاتمغه تحصیلکزی بیتدیرکدن صوکرده بیله
چالیشمایورسکز ؟

مثلاً ، زوال پک ، سز نه بکله یورسکز ؟ نه ایسته یورسکز ؟ نه آرایورسکز ؟
ایکی ، اوچ سنه در (پارس) ده (روصو) یه دائر اوایله مصاحبه لر ، اوایله درس لر ،
اوایله عمومی تبعلر اولدی . (روصو) عالمده حقوق اساسیه نک پیریدر . برنوع
موجدی ، واضعیدر . بز ایسه ، کوچک ، بیوک ، اصناف ، تجار ، کاتب ، کبار
بو حقوق اطرافیه بیلیمکه محتاجز . وقتکزی بویله بوش یره هبا ایده جککزه
الکزه قلمی آلسه کرده درسعات غزتله رندن برنده او بیوک فیلسوفک حیاتی ،
افکارنی ، آثارینی تعریف ، تشریح ایتسه کز بوملکه ، بو خلقه نه بیوک خدمت اولور .

(روصو) بر بقی عصر دن بری ، ساده فرانسه دمی ؟ فقط بتون جهانده
 حدوئه کلن انقلاب سیاسیک ، تعبیره مساع واز ایسه ، محرک ازیلسیدر ؛ بزبیله ،
 ولو بیلیمه رگدن اولسون ، بوفیلسوفک افکار و آثار سیاسیه سیله تمیجه کدک ،
 اودر جهده که انقلاب اخیر میزی وجوده کتیردک . مشروطیت ، مشروطیت دیوروز .
 مشروطیت اساساً جهانک ذهنته بویه واضحاً ، بویه عمومیتله ناصل یرله شدی ؟
 حاکمیت ، حکمدارک ، افرادک نه اولدقلریخی ، نریدن کدک لریخی عامه نه سایه ده
 آکلادی ؟ فرانسه ده انقلاب کیری وجوده کتیرنلر فکر اساسیلریخی هانکی
 منبعدن استنباط ایله دیلر . فی الحقیقه اون سکرنجی عصرک فرانسه ، انکلیز و ...
 دیگر فیلسوفلری ده بویوله پیشوا اولدیلر . فقط (روصو) قدر دکل ، (روصو)
 کی دکل ...

بتون اواعظم رجال اختلال او برلینک اوزاق ، یقین اقباسندن . فقط
 بریکنک طوغریدن طوغری به معنوی اولادی ایلیلر . او انقلاب کیر کافه صفحاتیه
 خیر و شر یله ، محاسن و سیئتیله ، سور و ماتمیله هپ اوفیلسوف مردمکریزک محصولی
 ایدی . بو کون بیله حقوق عمومی اک بیوک فیضی اوقطب محتشمندن آلیر .
 (شرائط اجتماعیه) دن (اعترافات) د قدر بتون او مغلطات فکریه تقریباً
 بر بقی عصر دن بری فوج فوج حکومتلرک ، خلقلرک مناوبه مخبری ، محرکی ،
 بانیسی ، ناظمی اولدی .

(جنوه) دن فقیر بر چوچق ، اولا اوفاق بر تاجر کاتبی ، صوکرده حکاک
 چراغی . دها صوکرده ایشیز ، کوچمز بر سرسری ، نهایت اوشاق ، راهب ،
 موسیقی معلمی ، ترجمان ، میض ، سفارت کاتبی ، بسته کار ، صندوقکار ، ایشته
 (روصو) بویه پرمردده بر حیات کچیرمشدی ؛ فقط انسان فکریک . آثار فکریه نیک
 نفوذینه ، ابدیتنه ناصل قانع اولماسون ؟ تولدکدن صوکرده عالمک مفاخر اعاضمندن
 عد اولوندی .

(روصو) به کورده انسان معصوم ، صاف ، مکمل طوغار ؛ بالاخره هیئات
 اجتماعی نیک تأثیرات احکامیه بوزولور . اوحالده بشریته خدمت ایتمک ایچون اک
 کس دیرمه طریق ندر ؟ اوآداب و شرائط اجتماعی اوصورتبه تنسیق ، تنظیم

ایله‌ملیدرکه فطرت اصلیه آدمی اخلال ایتمه‌سون . (روصو) اول امرده جمعیات بشریه‌نک وجود تکاملنی هر نقطه نظرده تنقید ایلهدی، بشریتک بتون فلاکتلرینه ده اوتکامل مدخوله عطف ایتدی؛ لکن بوقدر، بویله ییقمقله قالمادی، صوکره یایمغه باشلادی؛ هر تألیف ایله جمعیتک بنیاننه دائر وضع احکام ایتدی؛ مثلاً (نوئل نه‌لویز) ده طبیعتنه امثالک، محبتک، طبیعتدن استفاضه‌نک حیاته خدمتی کوستردی.

(روصو) نک تأثیر ایلهدرکه فرانسه‌ده بالاخره طبیعتنه ابتلا، قیر عالم‌لری، صحرا حیاتلری آرتدی. طبیعت اخلاقی تنزیه، عواءنک چور وکلرینی تصفیه ایدر؛ حاصلی، بشری ماده، معنی اعلا قیلار: «ناظم عالمک ید ازیلسندن نه چیقیدیسه اعلا، علی‌الاعلادر؛ فقط ایدی بشرده نه اولسه بوزولور.»

ینه (امیل) یا (تربیه) کرک تربیه شخصییه، کرک تربیه‌ملیه ایچون بردستور عد اولوندی. انقلاب کیر تربیه عمومییه ایچون نه‌یادیسه هپ بو اثردن استفاضه ایده ایده یایدی.

(روصو) جمعیت بشریه‌نی اصلاح ایچون علی‌الاطلاق بتون افراده تاصباوتدن اعتباراً مکمل برتربیه ویرمک طرفداری ایدی. انقلاب کیرک ایلک مجلس ملیسی: (قونسیتو آنت)، تربیه عمومییه وظائف حکومتک اساسی قیاس ایلهدی. (قونوانسیون) ده، او شورای محتمده ایسه مفرط، معتدل متفقاً بتون اعضا تربیه عامه‌نی اصلاحات اساسیه‌نک روحی عد ایتدیلر:

«اسارت و اعتقادات باطله محصول جهالتدر، بیلیمک اوزنجیرلردن قورتولمقدرد. محاکمه فکریه‌یه آلیشماق حقوق بشره آگاه اولمقدرد، قوانینک اصلاحی عامه‌جه ترقیات فکریه‌یه تابعدر..»

دیدیلر، (دانتون): تربیه اتمکدن صوکره بر قومک اول حوائجیدر.. دییه باغیردی؛ نهایت، (قوندورسه) بر لایحه قانونیه تنظیم ایلهدی که تحصیل معارفی علی‌الاطلاق بتون افراد جمعیه تعمیم ایدیوردی. هپ بوفیوضک منبعی (روصو)، (روصو) نک فکرلری، اثرلری ایدی.

فقط بو فیلسوف مهیب الك مؤثر نفوذینی سیاسیاتده ، شرائط اجتماعیه ده کوستردی .

(روصو) دیورکه : شرائط اجتماعیه ایله قوانین طبیعییه قارشی کلکه مساغ اوله ماز . طبق مقاولات خصوصیه ایله قوانین عمومیهیه قارشی کلکه مساغ اولمادیغی کبی ... قوانین طبیعییه ندر ؟ بین البشر حریت ، مساوات ، اخوت دکلگی ؟ اوخالده بو حقوق طبیعییه بشره مغایر برطرزده عقد شرائط اجتماعیه ایله مک ، حکومتلر تأسیس ایتک جائز اولماق کرکدر .

بر هیئت اجتماعیه تشکیل ایتکه قالدیشان افرادک اقدم وظائفی ندر ؟ اوجعتک شرائطی اووجه ایله تعیین ایتکدرکه هر عضوک شخصی ده ، اموالی ده بتون اعضانک قوه مشترکسیله حمایه ومدافعه اولونسون . بوصورتله اعضادن هربری او هیئته کیرمکه برابرینه صرف نفسنه اطاعت ایتش ، اولدن حرایسه ینه او یله قلمش اولور . بویه یا تمق ایچون نه لازمدر ؟ تابع ، متبوع ماللرینی ، حیاتلرینی ، شخصلرینی مراد عمومینک تصرف لایتغیرینه مقاد بر اقلی ، فقط اعضادن هربری ده عمومدن افتراق قبول ایتمز بر جزء عد ایدملیدر .

(روصو) یه کوره بویه بر مقاوله معقولدر ، مشر و عدر ، تهلبه کن عاریدر . چونکه هر فرد عمومیه قارشی ناصل تعهد آلتنه کیریورسه عمومده هر فردیه قارشی عین تعهداتی قبول ایله یور . ینه چونکه فی الحقیقه بتون معاقلدر ، مقاوللر بر برلرینه مربوط اولیورلر ، فقط کیمسه کیمسه یه تابع دکل ، خط حرکت و هدف عمومک مرادی اولدیغی ایچون هر کس اولدن ناصلسه ینه او یله حردر ؛ خلاصه ، چونکه هر جزء کل ایچون حرکت ایتدکجه اصلا بر هیئت سیاسییه کندینه مضرت ایده مز . ایشه حاکمیتک روحی بواساسده مکنوزدر . حاکمیت مراد عمومی ایله مراد فرد ، او یله اولدیغی ایچون ده نه انقسام ، نه ده انتقال قبول ایدر . بر هیئت اجتماعیه نک کافه افرادینه شاملدر .

شمدی کوسترمک ایسترکه بودرجه نظری بر هیئت مجتمعه ناصل اجرای حکم ایده بیلیر ؟ قوانین ایله ، باشقه صورتله دکل ، قانون ندر ؟ منفعت عمومیهیه متعلق بر ماده ایچون مراد عمومینک حکم علنی ومهییدر .

شاید اوماده عمومك منفعتنه تعلق ایتزه سه ؛ یا حکم واقع عمومك دکل ، فقط بر حزبك مرادی ایسه او قانون قانون اوله ماز ، اویله بر قانونك احکامی ایسه مشروعتدن عاریدر .

ایشته بو نظریه کوره دور سابقده کی قانونلریمز هپ قوانین مدخوله و غیر مشروعه دن ایدی . چونکه عمومك دکل ، بر شخصك ، یا بر شردمه قلیلهك مرادی ایدی .

مقصد قانون عمومك خیرینی اك موافق صورتده تأمین ایتك اولدینی ایچون باشلیجه مقتضیات قانون حریت و مساواتدر . حریتنه مالک اولمایان برفرد هیئت عمومیه ایچون ضایعانددر ، مراد عمومییه اشتراك ایدمز ، ایدمه نیجهده بتون مقاولهٔ اجتماعیه فاسد اولور . مساوات ایسه ، حریتك لازم غیر مفارقیدر .

ایشته (روصو) قوهٔ تشریعییه بی بواساسه کوره تشکیل ایلر ، حاکمیتی عامیه ، ملته تفویض ایدر . قوهٔ اجراییه کلنجه :

فی الحقیقه قانونك هدفی عمومیدر ، حکمی عموم ایچونددر . مع مافیه تطبیقات قانونیه شخصه ، موضوعات خصوصیهده تعلق ایلر . اوخالده قانونی وضع ایدن قوته ، هیئته ، قوهٔ تشریعییه او قانونی ، تطبیقه خدمت ایدر ایکنجی بر قوت علاوه ایله مك کر کدرکه اوده قوهٔ اجراییه در ، حکومتدر .

حکومت بر هیئتدرکه حکمدار ایله ، متبوع ایله توابعك آراندنه وساطته خدمت ایلر . فقط حکمداریوقاریدن بری قوهٔ تشریعییه اشتراك ایتك اعتباریله بتون افراد جمعیتدر ؛ توابعدن مراد ایسه عینی قوهٔ تشریعییه متقاربولونمق صورتیله ینه بتون افراد جمعیتدر . خلاصه هپ بر در . یوقسه اوتهدن بری بیلدیکنمز متبوع مفخم ایله تابع حقیر دکل .. موضوع حکومت مصالح عمومیهك اداره سیله حریت مدنیه و سیاسیلهك محافظه سیدر .

اساساً صرف برواسطه دن عبارت اولدینی ایچون حکومت او صورتله تشکیل ایدلملیدر که دائماً حکم قانونی اجرا ایتسون ، اصلاً قانوندن باشقه اجرا آته قالقیشماون ، ایدمی ، قانونه رعایتی تأمین ایتك ، بر مراد خصوصینك مراد عمومی یرینه قائم اولسنه ممانعت ایله مك ایچون اك مؤثر چاره نهدر ؛ ناظرلر ، حاکملر ، حاصلی قوهٔ

اجرائیهی در عهده ایدنلر ملتک ساده مرخصی اولئی . دائماً عزل ایدیله بیللمی ، دائماً مسئول طوتوله بیللمیدرلر . اوخالده مشروع بر حکومت ائک واسع ، ائک حقیقی معنایه حکومت مشروطه در .

حکومت مشروطه ارکان تشکیلیه سه کوره مختلف شکلدرده اوله بیلیر : یا عوام ایله اولور ، شاید تفوذ حکومت بتون اهالییه ، اکثریت عظمای اهالییه تودیع ایدلمش ایسه اوزمان افراد حاکمناک ، یعنی حکومته اشتراک ایدنلرک عددی افراد عادیهدن ، اشتراک ایتمه یلردن فضله در . بزده غریب غریب تفسیرلره اوغرایان (ده موقراسی) دیدکلری ایشته بوکیفیتدر .

حکومت یا اصالت ایله ، یعنی بر صنف ممتازک النده اولور : عمومک مرادی او ایسه ائک صالح عد اولنان بر حزب قلیلک واسطه سیله موقع اجرایه قونورسه ... اوتقدیرده بانضبع افراد عادیه افراد حاکمندن دها چوقدر . (آریستوقراسی) ده بوخاصیه دیرلر .

حاصلی ، حکومت ، حکومت مطلقه اولور ، وحدتله ، بر حکمد از ایله اداره اونونور ، قوای حکومت بر آمر بلندک یدنده تجمع ایدمک اولورسه .. بوشکله ده (مونارشئی) نامی ویریلیر ..

طلبدن بری — پکی خاقان بک افندی ، (روصو) بویه سویله یور ، فقط بو حکومتلرک ائک موافقی هانکیسیدر؟ اوجهتی تصریح ایتمه یورمی؟

خاقان بک . — او موافقت زمین وزمانه کورهدر . مملکت اولورکه حکومت جمهوریهدر ، حتی جمهوریت عوامده ائک موافق طرز اداره یی بولور ، حالاً فرانسه ده اولدینی کی . . . ینه مملکت اولورکه مشروطیتله برابر حکومت ملوکانه دندن آیرلمق ایسته مز: انکلتزه کی .. (روصو) جمهوریتک ، فقط بر صنف ممتازایله ، بر صنف ممتازک تفوق ایله جمهوریتک طرفداری ایدی ، جمهوریتی عنی ضلاق اوفق حکومتلره موافق کوریوردی . فقط بیوکار ایچون حکومت ملوکانه یی تنسیب ایله یوردی .

طلبدن بر دیکری . — خاقان بک افندی ، مثلاً آمریقاده حکومتات مجتمعه بر دولت معظمه در ، اوله ایکن بر جمهوریتدر ، همده بر جمهوریت عوامدر .

خاقان بك. — تهوت، ملاحظه كنز طوغرىدر. (روصو) ياشاسهيدى ده اونمونهنى كورسهيدي، بلكه او يولده تعديل فكر ايدردى، ولو بر صاحب دهاده اولسه انسان بويه ذهوللردن متره قاله ماز.

زوال بك. — خاقان بك افندى، مساعده بيوريرميسكز؟ عرض ايدى جكم بر ملاحظه وار: (روصو) نك افكار سياسي سنى بك كوزل تمهيد بيوردى كنز، فقط بتون بوتمهيدات باشليجه حقوق اساسيه كتابلرنده، على الخصوص اوفيلسوفه دائر نشر ايديلن آثار سياسي ده بول بولنه مندرجدر. وطنداشليمزدن فرانسه بيلنلر او كتابلرى مطالعه ايدى بيلرلر، بيلمهينلر ايسه ذاتاً بومباحثى آكلايمازلر. خاقان بك. — ايشته حضرت شاعر، يته حالت مخصوصه روحيه كزه، عزيمسزلك كزه مؤثر، مفيد بر سعيدن بزكينللك كزه قاييله رق طوغرى يي اكريدن تميز ايدى ميورسكز: اول امرده حقوق اساسيه وسائر كتابلرى بومبختلى خلقمزه سزك بزم بسط ايدى جكمز كي ايدى منزلر، اويله وضوح ايله، صميمته آكلايمازلر، او روحلره بزم قدر آشنا اوله مازلر. درجه ثانيه ده مملكتمزه يالكر فرانسه بيلنلر ايله ايش كورمكه، حاكميته، حكومته قاليش جق اولورسوق، عامه عثمانيه اهميت ويرمزه مشروطيتمزه نه حاله كير؟ ذاتاً بز خزينه عرفان مليمىزى چوغالتمه چابالاملى يز، لسامزه معارف عالمى نقله چالشملى يز. روسلرى كورميورميسكز؟ حريفلر ده ايلك خطوده بتون جهانك قانون اساسيلرى لسانلرينه ترجمه ايله ديلىر، بوواديدى بيوك مخلصات وجوده كتيرديلر، يوق زوال بك، عفو ايدرسكز، بو محاكمه كنز غلطدر.

زوال بك. — غلط اولسه ده بنجه مقبولدر. خاقان بك افندى، نه ديرسه كنز ديكنز، غندمده مثلاً (هه رهديا) كي لفظاً ومعنى تراشيدى بر نظم نوين يازارق مملكتمه تحفه ايتك (روصو) يي بيك كره تفسير ايله مكه مرجحدر. چونكه بو يولده يازى يازانلر نه قدر حسابسز ايسه، او وادى مستثنايه ارتقا ايدى بيلنلر هر مملكتده او درجه آزدرلر. اما اويله بر بديعه شعريه ميدانه قويمق هراجهاده رغماً بكا نصيب اولماز ايمش، او نصيبسزلك ايچنده چيرينه چيرينه سورونمك، سورونمك، حاصلى كبرمك، كيتمك او بر نصيبه لرله مراده ايرمكه يته بنجه ازلدن مرجحدر.

خاقان بك . — بزه كوره، دقت ايديكز ، اوروپايه دكل ، بزه كوره شاعرانه
دوشونورسكز . چونكه اوروپانك شاعرلرى ده فى الحقيقه فوق العاده ، حتى بعضاً
فوق الطبيعه دوشونورلر . لكن هيچ بر زمان سلامتدن ، فكر سليمدن آيرمازلر .
مروت بيوريكز ؛ اولاً قبول ايدهمه يركه حقيقه مثلاً بر (اميل فاكه) دها
اعتباريه بر (ههردييا) دن آشاغى اولسون ، هله هيچ قبول ايدهمه يركه اوندن
آز ملتته ، مليتته ، لسانته خدمت ايتمش بولونسون .

ثانياً : (ههردييا) نككيلر كي ، تعبيريكز وجه ايله ، لفظاً ومعنى تراشیده،
بلورانه تر شيدده نظم نوينلر ك مملكتمزده نفى ينه مثلاً (فاكه) نك ، يا (ژول لومتر) ك
حاصل بيوك بر منقذك (روصو) يه دائر يازديغى جدى ، متين مطالعه لر ، محاكمه لر
كبي آثار جيدنك خدمته فائق اوله ماز ، بالعكس . . .

برده ، هايدى ادعا كز صحيح اولسون ، هر كس اويله بيوك امالره كوز
ديكرسه كوچك ايشلرى كيم كورور ؟

حلواجى يه طبله كار لازم .

اول كاردهه اقتدار لازم .

مادام كه اوبريخى ياپامايورز ، بر عقل سليم صاحبي ايسهك ، بريكنه وقف سعى
ايتي يز . بالفرض سز ايشته بر درلو بر (ههردييا) اوله مايورسكز . حياتكز ،
شبابكز تباه اوليور ، كيديور . هيچ دكلسه مملكتمز ايچون ممالك متمدنه ده
بون بولنه امثالنى كورديكمز اومحيط كل ، اومفيد جهان ارباب قلمدن اولكز ،
بويله اومقدن انظار معاصرين واخلافده قازانير ، فقط غائب ايتزسكز .

(روصو) يه دائر تدقيقاتى ، تبعاتى استخفاف ايدييورسكز ، فقط البته
بيليورسكز : انكلترلر ، فرانسه لر ، آلمانلر ، آمريقالر . . . بوكون ترقيات
فكر يده بر مرتبه بلند ايردييرسه ، بزي ، شرقى عصر لر جه ، كونلر جه كريده
براقديلر سه محضا (روصو) كبي دهاتك سايه سنده ، هميله ايرديلر ، براقديلر .
بواعاظمك مخلصاتنى تدقيق ، تتبع ايتمه دكجه بر ملت عصر يمزده احتياجات
مدينه يى تمثيل ايده مز .

ملكمزمده بر انقلاب وجوده كتيردك ، بوكون مشروطيته اداره اولونيورز ،

فقط عمومیت اعتباریله (روصو) بی اوقومادقسه، باری طولایسیله اولسون، (روصو) دن مستفیض اولمادقسه، مقاوله اجتماعی بی مجملأ آکلامادقسه اول انقلاب حسن نتیجه ویره بیلیرمی؟ بو مشروطیت جدی بر مشروطیت اوله بیلیرمی؟ حکومتجه ده ایلک خطوه ده کیفیمزه، کیفیاتمزه انکل اولونجه حریتی آفاق آلتنه آلامازی؟ (روصو) نك شرائط اجتماعیه ایچون بر بنیان لایتغیر عدیه دیکی حقوق طبعیة بشری تحدید ایدر قانونلر وضع اتمک قالدیشمازمی؟ فنون ایله قانونسزلنی بر برینه قاریشدیرمازمی؟

یوق، زوال بک، سزك ذکا کزدن، تحصیل کزدن بکله دیکمزدن ده جدی محاکمه لدر .

زواللی شاعر طبعاً منصف اولدینی ایچون خاقان بکک بو محق انتقادلرینه مقابله ایدمه دی، ذاتاً خطاسنی آکلایمجه جانی صیقاماق ایچون اعتیادی وجه اله فکرینی باشقه وادیلر سو ق ایله مشدی، فی الحقیقه صوره خاقان بکله باقیوردی اما آرتق اوسوزلری دیکله مه یوردی .

زوال بکک سکوتی کورنجه (فترت) فرصتدن استفاده ایله خاقان بکدن شو استیضاحه قالدیشدی :

— بک افندی، بعض مورخلر (روصو) نك فرانسه انقلاب کیرینه، اول انقلابک ارکاننه نفوذینی اودرجه ایلری کوتوریورلر، کوتوریورلر ده دیورورکده: مثلاً خطیب شهر (میرابو) نك نطقلری، مجتهد معروف (سییه یس) ک نظریه لری هپ روصودن استنباط ایدلمشدر، اک بیوک (ژیروندن) لر، او حزب معتدل اکابرینه اونفوذ ایله حرکت ایله دیلر؛ حتی طاعیلر دیکلری مفرطلر، (دانتون) لر، (روبه سپیر) لرده او یله یایدیلر؛ اوچ بیوک مجلس ملی اختلال ده آیری آیری هپ (روصو) نك تصورلری موقع اجرایه قویدیلر: ابدادن صنف صنف بیان رأی اتمک بکل شخص شخص رأی ویرمک اصولی؛ بنیان ابدی عدالته توفیقاً بر قانون اساسی تأسیس اتمه دن آیرلاماق ایچون عهدلر، یمینلر؛ (۱۴) تئوزده اها لیجه (باستیل) ک او یله کومبور، کومبور هدی که اداره قدیمه نك انهدامنه بر علامت غرا ایدی؛ هله (۴) اغستوس کیجه سنده، او یله محتمشه ده هیجان غمی یه

اشتراک به اصل زاد لرک ، ممتاز لرک ، بالذات کندی اللریه امتیاز لرندن فراغت لری ،
تجربہ دری : خلاصہ فرانسه ده رأى عام اصولی ایلک اوکجه وضع ایدن (۱۷۹۳)
قانون اساسیسی هپ (روصو) نك القآتیه ، تلقیناتیه در ...

اونلر بویه دییورلر ، سزده بوفکرده میسکیز ؟

خاقان بك . — اعتقادجه ، ذاتاً اعتقاد عمومی ده اویله در ، بو مطالعه لر
طوغریز ، (روصو) نك انقلاب کیرده ، رجال انقلاب کیرده بوحلول عمیق بك
واقعدر ، اوزاقلره کیتیمکه نه حاجت ، ایلک مجلس ملی اختلال ، (قونستیتوانت)
دکیمکه حر فرانسهز ملتی نامنه (مقاوله اجتماعیه) مؤلفنه برهیکل رکزینی امر
ایتدی . بکنجی مجلس ملی انقلاب ، (لهزیسلاسیون) ایسه دیوان مذاکراتنده بر موقع
توقیرده (روصو) نك بر تصویر مجسمی وضع ایتیمکه قرار ویردی ، (قونوانسیون) ،
اوتوجه شورای امت ایسه (روصو) نك بقیه عظامنی (پانتئون) دیدکلی مرقد
اعاضمه نقل ایتدیردی ، بو شوراده بو موضوع مذاکره اولونور ایکن ایدی که
اعضاد (لاقانال) آياغه قالدی :

« افکار دهاسیله پرورده اولمش بتون بر ذریه نك ندای شکرانی (روصو) بی
وطن مندارك دهات ملته تخصیص ایلدیکی معبد محشمه چاغیریور . » دیدی ،
بوسوز محاسبه آقیدشلره بوغولدی . بووقعه لر آچیقجه کوسترمز می که (روصو) نك
انقلاب کیرده نفوذی دریندر .

طلبه دن بری . — فقط ، خاقان بك افندی ، ظنمجه بویه ترقیات فکریه جه ،
حتی افکار اختلافه (وولتهر) ده (روصو) دن کری قلماز . ناصل اولیورده
رجل اختلال بریکنی اوبرینه ترجیح ایدیورلر ؟

خاقان بك . — بو ترجیح اویله صراحة واقع دکل ، چونکه انقلاب کیر
(وولتهر) ی ده بحق تبجیل ایتدی . بکا قالیرسه (روصو) اوزقیب قدیمندن ده
زیاده بو مبادی حقوقده ، حقوق اساسیده متفقددر ، اذهان عامیه ده زیاده
اشتراک ایلده حلول ایلر ، چونکه دهامفرطدر . (وولتهر) علی الاطلاق احرار دندر .
(روصو) افراط ایلده احرار دندر . (وولتهر) زماننده دین ، اصالت ، حکومت
نهمواره هپ استیخفاف ایلدی ، بعضاً آلا اهلرله آلایه آلدی . مع مافیه ینه

بر حدی آسمادی، شرائط واقعه اجتماعی بی بسبتون آفاق آتیه آمادی؛ لکن (روصو) بتون اوموجوداتی بوزمق، ییقمق، یکیدن برامله کوره یامق ایسته دی، بو اندیشه ایله تفرعانه وارنجهیه قدر اوغراشدی. (وولته) اکثراً بر زندیق ایدی؛ حق، حقیقتی کوریر، فقط بی طرفانه، بلافتور بسط ایلردی. (روصو) ایسه معنای لغویسیله بر معتقد ایدی، حق بیلدیکنی، حقیقت صانیدیغنی وار صمیمیت فکر وقلیله، وار املیله مدافعه ایلردی. ایسته بو ایکی صاحب دهانک انسال آتیهیه تأثیری بو اختلاف یوزندندرکه تفاوت ایدر.

مع مافیه کرک رجال اختلال کیر، کرک صوکره لری بتون سلسله احرار (روصو) ییده، (وولته) ی ده دائماً سودیلر، دائماً تجیل ایله دیلر؛ اختلاف مخالفلری، حریتک دشمنلری ایسه متساویاً تلغین ایتدیلر.

طلبه دن بر دیکری — خاقان بک افندی، (وولته) نه ایسه، فقط (روصو) ده انسان برحاله تعجب ایدیور: حیاتی بودرجه دغدغه لر ایچنده، حتی بعضاً او ایله پریشان، او ایله سفالتله کچن بوقوجه فیلسوف اومرتبه کالاتی نهمان جمع ایله یور؛ ناصل، زرده تحصیل ایدیور؛ اوشاقلق، چراقلق، حکاقلق و سیره ایدرکن بومعرفتلی نه صورتله اکتساب ایله یه بیلدی؟

خاقان بک. — عزیزم، تحصیل صرف مدرسه ده اولماز. برذکا، برذکای خارق العاده، هله بردها صاحبی زرده، نه مسلکده، ناصل اولورسه اولسون فکر آعالی ایدر، پارلار. مثلاً (روصو) ایچون طبیعتدن بیوک، مفید، مؤثر مکتب، خواجه اولورمیدی؛ ایسته بو صاحب دهاً اساساً اوکرندکارینی مدرسه طبیعتده، استاد طبیعتدن اوکرندی، مع مافیه ماضی عرفان بشریتده آکاء ولدی؛ فرانسه دن زیاده لاتین ادبیاتی تتبع ایله دی. لاتینلر فکر بشری تهذیب ایچون خارقه درلر. (روصو) لاتین ادباسندن (تاسیت) لری، (سنتق) لری چوق اوقودی؛ حتی اسلوبجه اوایجازی، اورونقی صرف اوسایه ده بولدی؛ ینبر لاتین شاعرینی، (ویرژیل) ی عادتاً از برله دی، طریزیاننده کی او آهنگی، اونسجامی، اوملایمتی بتون بوشعرلردن آلدی.

شوجهتی اعتراف ایتلیدرکه غربیلر فکر آ، ادباً لاتینجه، یونانجه کی ایکی

خزینہ لایفناہ ، اولیہ برنعمت میراثہ مالکدرلر ، بوتوارث ایله بالذات ده برکنز
ملی معرفت ایدیندیلر ، بومظهریت ایله بزشرقلیلره بووادی معالیده بالطبع دائماً
تفوق ایدرلر ، بزشرقلیلرکه اولیہ برانعامدن محرومز ؛ فی الحقیقه برلظه ، برمدت
عربلره ، مدنیت عربیهیه دسترس اولدق اما اوفرستدن ، اوعاطفت جزئیهدن ده
استفاده ایتکی بیلمه دک ، بوکون بویله تہی دستر ، تہی دست اولدیغمز ایچون
غریبن استعانهیه ده زیادہ محتاجز .

نہایسه ، اودردیمز اوزوندز ، بزشمیدی (روصو) دن بحث ایدیوروز .

فرانسزلرک قدماى متفکریندن (مونته نی) اسلوب اعتباریله نہ مرتبہ متین .
منور ، مقبول ایسه ، فکرآده اوقدر جوال ، آتشنا کدر . (روصو) بوسلف
مبجانی ده پک چوق تتبع ایله دی . شمدی بومحدود ، فقط بلند ، فقط کزیده .
مطالعہلره کتاب کائناتی ده علاوه ایدیکنز ، (روصو) نک تحصیلنه دائر بر فکر
صحیح ایدینرسکنز .

شو جہتی ده نظر ملاحظہیہ آلملیسکنز کہ اک درین تحصیل ایدنلر ، اک بیوک
متفکرلر اک چوق اوقویانلر دکادر . (پاسقال) : « برکتاک آدمندن قورقیکنز »
دیر ، طوغری سوزدر . متین ، تحتشم بر اثری عریض ، عمیق ، تکرار علی التکرار
تتبع ایله بن برمدقق برچوق آناری کلیشی کوزل ، حتی دقتلہده اولسه ، اوقویانلردن
دها زیادہ فیض قازانیر .

مع مافیہ تکرار ایدرم ، (روصو) نخبہ کالاتی اساساً روحندن ، دہاسندن ،
فطرتندن الدی ، تحصیلندن ، تتبعاتندن دکل ... اولیہ برفسحت بیانہ مالکدرکہ
دائماً بر موجدن برلجہ ، برکادن برکستان چیقاریر ؛ بو قدرت انشراحجہ
(مونته سکیو) نی یاری یولہد براقیر ، (وولتہ) ری بیله کچر ، بوسماحت واردات
ایله برابر نه قدر موجزدر ، مؤثردر ، حاردر ، صمیمیدر :

سلیقہ نافد کوهر ، قریحہ کان معانی

وصف کزینہ لایقدر .

فقط ، بکلر ، ساعت قاچ اولدی ؟ سز کنجسکنز ، ایستہ دیککزر قدر کچ

یاته بیلیرسکز. بزاختیارلر ایسه حیاتی می حساب ایله تصرف ایتمه مجبورز. مباحثه
طوتولدق، فرقه وارمادق، وای کیجه یاری می اولمش، الله اصهارلادق.

خاقان بك چیقدی، کیتدی. او کیتدکن صوکره طلبه دن بری دیدی که:

— نه مبارک، نه منور ذات که مسامره لری می عادتا نورلاندریور! بتون
او مطالعات فاضلانیه مجلسه نه رونق ویردی. ایشه نه خوش بر کیجه ده
چکردک. فی الحقیقه شاعر میز بر پارچه خیر یالاندی. مباحثه لرده براز یالکر قالدی،
اما باس یوق. بر فیلسوفک دیدیکی کی: «مرد قوی دائما یالکرذر»

زوال بك — بزم ایچون خاقان بك موأخذه لری مدیحه لر دن قیمتداردر.

عزیزم، (پارس) ده کله لیدن بری بو ذاتی طایریم، تقدیر، تحیل ایدرم.. بکاده، بتون
شباب عثمانی یه ده او آدم دن زیاده خدمت ایدن اولمادی. او بویه باشمزه کچمه دن،
مفتشمن اولمادن اول مثلاً بز طلبة عثمانیه حتی ینه بوقه ووده کیجه لری می ناصل
کچیریوردق، مسامره لری مزده نه لکورو شیر، نه ایله مشغول اولیوردق، بیلیر میسکز؟
خایر، چونکه سز اوزمان هنوز (پارس) ده دکلدیکز.

خاقان بك دلالت ارشادینه مظهر اولمادن اول بز هر کیجه، حتی اکثر
کوندوزلری بیه بوماصه لرك باشنه چکردک، مکمل بر (پوکر) چکردک. ایچمزدن
اویون اوینامایانلری می جان صیقندیسندن نه یاه جغمزی بیلیمز دک. یابر بریمزک علیهمزده
دیدی قودی ایله اوغرا شیردق، یا (بار) دن (بار) ه، یعنی میخانه دن میخانه یه
طولا شیردق، کویا ذوق سورردک، حقیقتده بهیمله شیردک. چالیشقانلری می فی الحقیقه
قهوه لر دکیزلردی، اولرده قالیرلردی، فقط اونلرده فکر آترقی ایدمه یورلردی،
آچیله مایورلردی، چونکه بومظهریته ایرمک ایچون بر دلیله، بر مرشده محتاج
ایدیلر. ایشه او منجی خاقان بك اولدی.

حق الانصاف دوشونیلیرسه، بو ذاتک هر درلو مزایاسندن ماعدا صرف شخصه
مخصوص بر مزیتی ده وار که موفقیته ک زیاده خدمت ایلر:

خاقان بك جهان دن مستغنی، هر درلو امل دن متقطع بر ذاتدر؛ کیسه نك
نه حسدنی تحریک ایدر، نه اقبالنه انکل کسلیر، نه حسود، نه ده محسود اوله بیلیر؛
عمومک خیری ایستر، هر کسک منفعتنه چالیشیر، حسبه لله چالیشیر بر آدمدر.
طلبه دن بری — ذاتاً او یله اولمایه یدی، هر درلو فضلنه رغماً بیچاره خاقان بك

نه انتقاد لره ، اعتراض لره ، دولا بلره هدف اولمازدی ، همده چوقدن استعفا ایدر ، کیدردی . دوشونیلیرسه فطرت بشر حقیقه خسیسدر ..

زوال بك — فقط ، سوز آرامزده قالسون ، محیطمز اوخستی آتیره بیلدیکی قدر آتیریور . بزده فی الحقیقه حیات ایچون جدال کوشکدر . آچ قالسه ق ، متوکلانه قولدی میز یاغلار ، آغز میز هوایه آچار ، بکلرز . ا کمک میز ، اویله آلمنرک تریله فرامق ، دائما طاشدن چقارمق جهته بك یاقلاشماز ، اکثریا قومشومنز آغز ندکی لقمه یه کوزدیگر ، طوریرز ، فسادایله ، دولا بایله ، حتی ضرر میز بیلله اولسه نو آد مجع میز اونه تمدن محروم ایتمهک چالیشیرز . اشته بویله غوغا لرده یکتایز . طایه دن ینه واقفدی . — زوال بك ، عفو ایدرسکز ، اویله غندی برفکر ، خصوصی بر اغبرار سائقه سیله ملیتمیز عمومیتله تحقیر حقدن یوقدر . ذکر ایتدیکنر قصور لر هر ملتده عینی درجه ده واقعدر ، فرانسه ده یوقی ؟ بشریت اصلاً نجاتدن معرادر ، شرائط اجتماعیه ایله بوزولما یور ، بکا قالیرسه ، (روصو) نه بیوک فیلسوف اولورسه اولسون ، اوفکر مخصوصنده مخطیدر . فائق مایه بشرده مند مجدر .

زوال بك . — عزیزم ، اویله اولسه بیلله ، اومایه بشر بزده دیار سائرده دن بر درجه دها آشاغیدر ، چونکه ایچمزه کوردیکم نفاق ، محاسده بی ، غرضی باشقه بر قومده کورمدم ، بی سویله تمه ییکز :

ياتار بك دورلو شكوى خاطر درد آشيانده

فقط بوسوزلیمه نیچون قیزیورسکز ؟ هرکس دوشوندیکی صمیمیتله سویله مکده حر دکلیدر ؟ . بو حریتی تسلیم ایتیه یور میسکز ؟
بوسه مردنک مزعج بر مناقشه ده دو کولمنی ، اویله قنایتمسنی کیمسه ایسته مدیکی ایچون بومباحثه قیزشمانن مجلسه ختام ویرلدی ، (فترت) ده اوینه دوندی ، وطنداشیریه بو حسب حالدن قلباً کلی حضور بولدی ، او (مارسل) اندیشه سنی اونوتدی ، مملکتی . سحرینی لطیف لطیف دوشوندی . اودوشونجه لر ایچنده یاناغه کیدردی ، اویقویه طالدی .

برجنبش كه !..

بركون اقشامه طوغرى (بولوار سن ميشل) ده (دارقور) قهوه خانه سنا .
اوكنده برچوق خلق ايچنده سنا آلتشلق بر آدمله كنچ برقادين يان يانه او طور بيورلردى .
قادين ياواش ياواش ، ايچين ايچين آغلايوردى ، كيزلیدن كيزلى يه كوز ياشلريني
سيلوردى ، قيزارمش ، بوزارمشدى ، حتى او طور ملاليله برنبذه خارچك نظر
دقتى بيله جلب ايدييوردى ، ارکك ايسه آوقاداشنك بو حالندن تلاشه دوشهرك ،
رقته كلهرك :

— (ماريتجكم) ، ياپما ، الله عشقنه ياپما ، بنى عفو ايت ، قباح ايتدم ،
يانيلدم ، كناهكه كيردم ، سويله دكاريى هپ كرى آليورم ، انصاف ايله . وير ،
اوپاموق اللريكي اوپيم ، روجم ، (ماريتجكم) ، هيچ سنسر ياشايه بيليرمى ؟
دييوردى .

قيز فى الحقيقه ياريم اغزله :

— يوق ، آرتق الويرير ، بوحياتى چكه كم ، هركون افترا ، هركون عذاب ،
دوستلق بويله مى اولور ؟ شمديدن صوكره كيده جكم ، همشيره مك ياننده ياشاياجم .
دييه تظلم ايدييوردى . او تظلم ايتدجه او برى نيازلريني آرتيريوردى .
ظاهر پاشا دينلين بو ذات امرای مصر يه دن ايدى ؛ لکن استانيولده طوغمش ،
بيومش ، ياشامش ، حاصلى تركله شمشدى ؛ مصر دن يالكزير معاش آليوردى ،
اساساً بيوك برعائله دن اولدينى ايچون ايكي اوچ كره اك متميز ترك قيزلر يله اوله نمش ،
چولوق چوجق صاحبي اولمش ، فقط هر سفرده عائله سنى ، چولوغنى ، چوجقنى
ترك ايدرك ييتمز ، توكنمز بر هوا وهوسه وقف نفس ايله مشدى ...

ايلك دفعه غايت لطيف ، كوزل ، صوك درجه كوزل بر قيزله تاهل ايتمشدى .
فقط ازدواجده عشق حيوانيدن باشقه بر ذوق آرامادينى ، بوله ماديني ايچون
برقاچ سنه صوكره او قادي نجفزدن بيقه مشدى ، بركون بلا سبب ايكي چوجغيله

برابر اویچاره‌نی یوز اوستی براقه‌رق کیتمش ، باشقه بر قادینه اوله‌شم‌دی . فقط چوق کچمه‌دن اوندن‌ده آیرلم‌ش‌دی . متروکه‌لرینی ، حتی چوجقلرینی رزق‌سز ، نفقه‌سز ترك ایله‌یور ، دائماً نفس هوا پرستدن باشقه کیمسه‌نی دوشونمه‌یوردی . هپ معاشقه‌یه ، عشقه ، فقط پک مادی بر معاشقه‌یه ، پک حیوانجه بر عشقه حصر حیات ایله‌یوردی .. اوشوق طبعی چوق سورمزدی ، اوله براقشامک صباحندن بر نشئه بکله‌نه‌مزدی .

عشقده یالکیز بر لذت مادیه آرایانلر حقیقتده سومک‌نه‌در؟ بیلمز لر ، سوده‌مز لر ، سویله‌مز لر .. بر لحظه بر تهیجه دوشر لر ، لکن چوق کچمز اوقوری آتش سونیور بر .. ایشه‌ظاهر پاشابویه بر فطرت خسیسه اصحابندن ایدی ، اوله اولدینی ایچون‌ده ازدواجدن ازدواجه ، عشق‌دن عشقه ، معاشقه‌دن معاشقه‌یه باش اورده‌رق آرادینی بردلو بوله‌مامش ، نهایت وقتدن اول قدرتدن دوشه‌رك ، وجود اختیار ، کوکل تازه (پارس) د ، او هوا وهوس اوجاغنه دوشم‌ش‌دی .. (ماریت) ایله برابر قاری ، قوجه کبی اوافق بردا ئرده ساکنجه یاشایوردی . ماضی‌نی ، متروکه‌لرینی ، حتی چوجقلرینی هیچ دوشونمه‌یوردی ، فقط (ماریت) ی بیرانه بر عشق ایله سویور ، هر کس‌دن قیصقانیور ، پک چوق دوشونیوردی ..

بوقیز جغز (پارس) ک آقین آقین یتشدیردیک ، یتشدیردکجه سواققلرینه انصاف‌سز جه‌سنه آتدینی بیچاره‌لردن ، اصلاً فقیر برعائله‌دن ایدی .. شمدی یکر می سکز یاشنده اولدینی سویله‌یوردی ، فقط بلکه ده‌ها مسن ایدی ، هر حالده اوله کورونیوردی ، هنوز اون یدی یاشنده ، دیکیش‌جیلک ایدر ، هر کون بیوک ، معروف بر ترزینک دارالمساعیسه دوام ایلر ایکن ، بر آقشام اوستی یوله‌د کلیشی کوزل بر کنج ایله معارفه پیدا ایله‌م‌ش‌دی . بومعارفه ابتدالی صوری ایدی ، صباحلری ، اقشاملری کوروشمکدن ، بولوشمق‌دن عبارت ایدی ، صوکره‌لری درین بر مناسبت بادی اولدی . ایکی کنج بر برینی سودیلر . بوسودا میدان چیقنجه (ماریت) بالضروره عائله‌سنی ترك ایله‌دی ، پدرینی ، والدہ‌سنی کورمز ، کورده‌مز اولدی . برمدت بر هوتل کوشه‌سنده ، اوافق بر او طه‌ده دوستیه یاشادی . نهایت کبه‌قالدی ، اوکبه‌قالنجه حریف نهان اولیوریدی . برکت ویرسون‌که (ماریت)

جاذبه دار ایدی ، هله بویه قادیلاشنجه عادتاً کوزله شمشیدی ، مستنی برلطاقت
ایدنمشدی . قولایجه ایکنجی بردوست بولدی . بودوست اویری کی دکل ، دها
منصف ، دها وفاکارایدی . قیزجغزده دها زیاده مقتون اولدینی ایچون دها کوزل
باقیدی . (ماریت) اون بش ، یکرمی کون ایچون برطولخانه کیردی ، برقیز
چوجنی طوغوردی ، چوجنی ایتاخانه ترک ایتکه قیه مادی ، چونکه جانی کی
سودی ، دوستک همتله برکویه کوندردی ، آیده قرق فرائق اجرتله برسودننه
تودیع ایله دی . حالایله (ماریت) ایچون حیات او اوکسوز چوجقدن ، اوچوجنی
پرستشکارانه سومکدن عبارت ایدی ، یاشایور ایدیه هب او محبتله یاشایوردی ،
اوچوجق اولماییدی ، بلکه اوزمانه قدراتخارایدردی ؛ حتی ظاهر پاشایه بویه باغلانیشی
اوچوجنه نفقه بولمق ، اوچوجنی بیوتمک ، تربیه ایتک ایچوندی . چونکه ،
مع الاثنس او ایکنجی دوستی ده محافظه ایتمه مشدی . بوکنج طایفه دن ایدی ، تحصیلی
بتیریریتیرمز مملکته دوئمکه مجبور اولدی ، آغلایه آغلایه اولسه ده . (ماریت) ی
ترک ایله دی ، یالکیز اونوتمادی . بر مدت اوزاقدن اوزاغه بیله ، کوچی یتدیکی
قدر بسله دی . . فقط نهایت بیلنمز نه اولدی ؛ صوصدی ، قیزه مکتوب بیله یازمادی .

ایشته اوزمان (ماریت) ایچون برسفالتدر باشلادی . زواللی مخلوق ، مخلوق
نحیف بر دوره حیاتده نهلر چکمه دی ؛ کونلرجه آچی قلمادی ؛ او فلاکتلره
قاتلانیوردی ، فقط چوجنه معاونت ایده مزسه ، سود ننه نک آیلغنی کوندره مزسه
اوزمان چیلدیرمق درجه سنه کلیوردی ، برقاچ کره کندینی (سن) نهرینه آتمق ،
بو انصافسز جهان وداغ ایتک ایسته دی ، فقط صوک لحظه ده جکر پاره سنک تمثالی
کوزینک اوکنه کتیریور ، او مهلک تصویرینی بر درلو قوه دن فعله خیقاره مایور ،
ینه یاشامغه محکوم اولیوردی . ناصل یاشایه بیلیدی ؛ ناصل هم کندینی ، هم
چوجنی بسلایه بیلیدی ؛ فی الحقیقه دیکیشجیلک ایدیوردی ، فقط کونده اون
ساعت ، اون ایکی ساعت ، بعضاً کیجه لری بیله چالیشدینی حالده اوچ فرانقدن
زیاده قزانامایوردی ، بومبلغ جزئی ایله او طه کراسنی ، بوغازینی تأمین ایتکه ،
چوجنه ده پاره کوندرمکه مجبور ایدی ؛ نه یاپارسه یاپور ، سود ایله ، یومورطه ایله
یاشایور ، چالیشه بیلدکجه ایپک ایکی اوجنی زور بلاده اولسه بر آرایه کتیریوردی .

فقط چالش‌های نه‌یاباردی؛ هر ایش ایچون اولدینی کبی بواش ایچون‌ده بر (موسم مرده) واردی، اوزمان ایشلر طوریر، عملیه یول ویریلردی. ایشته آیلرجه هله بر کره لزومندن فضله دوام ایدن بویه بر موسمه (ماریت) ناچر قالمش. ایسته‌یرکدن، حتی ایچندن قان آغلایه‌ردن فحشه دوکونمکه، قهوه‌خانه‌لره کیدرک مشتری آرامغه مجبور اولمشدی، وقیله بر کنجی صمیمی سودرک سائقه سودا ایاه کوکلنی، عصمتی اوکا ویردیکی زمان اوقدر متأثر اولامشدی، چونکه پاره ایچون دکلدی. او حرکتده هر حالده بر صفوت واردی. ایکنجی دوستی ایله‌ده همان بویه اولمشدی، مناسبت اساساً صاف ایدی. فقط بوسفر (ماریت) صرف‌پاره‌ایچون وادی عشقه دوکولیوردی، سومه‌دن سور کورونیور. ایسته‌مدیکی، حتی استکراه ایتدیکی بر آدمله، حاصلی کلن، کچمه یاتیور، قالیقوردی. . . ایشته بو حال، بو حیاتدرکه او قیزجغزه کران، اوقدر کران که بولومدن بتر کلدی، بولومی آراتدی. کون اولیوردی. (ماریت) اوطه‌سندن چیتما یوردی، بیسود اولسه‌ده دیکیش دیکیوردی، کتاب اوقویوردی؛ فقط یازمسز قانجه ناچار قهوه‌لره، اکثریا. (پانتئون) قهوه‌خانه‌سنه کیتسکه مجبور اولیوردی. بر گوشیه چکیلیور، اوطوریور، مشتری بکله یوردی. شاید اوزاقدن برارک اوکا بر یازچه دقله باقارسه اعتیادایله کولومسه‌مکه، کولومسه‌دکن صوکره حسن قبول کوریرسه یاواش یاواش حریفک یانه صوقولمغه مجبور ایدی. بومجوریتدن بعضاً اوایله متفر، اوایله دلگیر اولیوردی که اکثریا اوایله بر مناسبت ائناسنده بردن‌بره قالیقور، قوشه‌قوشه اوطه‌سنه کیدیور، قاپانیور، صباحه قدر ایکله‌یور، آغلا یوردی. فقط یرتسی کونی آچلق سائقه‌سیله ینه عینی ذلتی ارتکابده مضطرب قالیوردی.

انوانی یک اسکیمیک ایچون (ماریت) بر آرائق قهوه‌لره کیده‌مز اولدی. قهوه‌لره کیده‌مه‌نیجه بوغازینی مسافر لکده، شویله بویه دیووریوردی، لکن اوطه‌کراستی ویرممدی. اشیای جزئیه‌سنی آلدی. بریلدیکنک یانه قویدی. فقط بر قاق کیچه مسافر لکده کیده‌مه‌نیجه سو قالدرد صباحلامغه مجبور قالدی.

ایشته بوسفالتری چکدیک صرده ایدی که بر کیچه (پانتئون) قهوه‌خانه‌سنه

جاذبه‌دار ایدی ، هله بویه قادیلاشنیجه عادتاً کوزله شمشیدی . مستنی بر لطافت
 ایدینمشدی . قولایجه ایکنجی بردوست بولدی . بودوست اویری کی دکل ، دها
 منصف ، دها وفاکار ایدی . قیز جغزده دها زیاده مقتون اولدینی ایچون دها کوزل
 باقدی . (ماریت) اون بش ، یکرمی کون ایچون برطولخانه کیردی ، بر قیز
 چوجنی طوغوردی ، چوجنی ایتاخانه ترک ایتکه قیه مادی ، چونکه جانی کی
 سودی ، دوستک همتیه برکویه کوندردی ، آیده قرق فرائق اجرتله برسودننه
 تودیع ایلدی . حالایله (ماریت) ایچون حیات او اوکسوز چوجقدن ، او چوجنی
 پرستشکارانه سومکدن عبارت ایدی ، یاشایور ایدیه هب او محبتله یاشایوردی ،
 او چوجق اولمایهیدی ، بلکه اوزمانه قدر اتجار ایدردی ؛ حتی ظاهر پاشایه بویه باغلانیشی
 او چوجنه نفقه بولمق ، او چوجنی بیوتک ، تریسه ایتک ایچوندی . چونکه ،
 معالائسن او ایکنجی دوستی ده محافظه ایتمه مشدی . بوکنج طلبه دن ایدی ، تحصیلی
 بتیر یریتیر من مملکته دونمکه مجبور اولدی ، آغلایه آغلایه اولسه ده (ماریت) ی
 ترک ایلدی ، یالکیز اونوتمادی . بر مدت اوزاقدن اوزاغه بیله ، کوچی یتدیکی
 قدر بسله دی . . فقط نهایت بیلنمز نه اولدی ؛ صوصدی ، قیزه مکتوب بیله یازمادی .

ایشته اوزمان (ماریت) ایچون بر سفالتدر باشلادی . زواللی مخلوق ، مخلوق
 نحیف بر دوره حیاتده نهلر چکمه دی ؛ کونلرجه آچی قلمادی ؛ او فلاکتلره
 قاتلانیوردی ، فقط چوجنه معاونت ایده مزسه ، سود ننه نک ایلغنی کوندره مزسه
 اوزمان چیلدیر مق درجه سنه کلیوردی ، بر قاپ کره کندینی (سن) نهرینه آتمق ،
 بو انصافسز جهان و داع ایتک ایسته دی ، فقط صوک لحظه ده جکر پاره سنک تمثالی
 کوزینک اوکنه کتیریور ، او مهلك تصویرینی بر درلو قوه دن فعله خیقاره مایور ،
 ینه یاشامغه محکوم اولیوردی . ناصل یاشایه بیلردی ؛ ناصل هم کندینی ، هم
 چوجنی بسلایه بیلردی ؛ فی الحقیقه دیکیشجیلک ایدیوردی ، فقط کونده اون
 ساعت ، اون ایکی ساعت ، بعضاً کیجه لری بیله چالیشدینی حالده اونچ فرانقدن
 زیاده قزانامایوردی ، بومبلغ جزئی ایل اوطه کراسنی ، بوغازینی تأمین ایتکه ،
 چوجنه ده پاره کوندرمکه مجبور ایدی ؛ نه یاپارسه یاپور ، سود ایل ، یومورطه ایل
 یاشایور ، چالیشه بیلدکجه ایپک ایکی اوجنی زور بلاده اولسه بر آرایه کتیریوردی .

فقط چالش‌های نه‌یاباردی؛ هر ایش ایچون اولدینی کی بواش ایچوند بر (موسم مرده) واردی، اوزمان ایشلر طوریر، عملیه یول ویریلردی. ایشته آیلرجه هله بر کره لزومندن فضله دوام ایدن بویه بر موسمه (ماریت) ناچار قالمش، ایسته‌یرکدن، حتی ایچندن قان آغلایه‌ردن فحشه دوکومکه، قهوه‌خانه‌لره کیدرک مشتری آرامغه مجبور اولمشدی، و قتیله بر کنجی صمیمی سودرک سائقه سودا ایاه کوکلنی، عصمتی اوکا ویردیک زمان اوقدر متأثر اولامشدی، چونکه پاره ایچون دکلدی. او حرکتده هر حالده بر صغوت واردی. ایکنجی دوستی ایله‌ده همان بویه اولمشدی، مناسبت اساساً صاف ایدی. فقط بوسفر (ماریت) صرف پاره ایچون وادی عشقه دوکولیوردی، سومه‌دن سور کورونیور، ایسته‌مدیکی، حتی استکراه ایتدیک بر آدمله، حاصلی کلن، کچمه یاتیور، قانقیوردی. . . . ایشته بو حال، بو حیاندیرکه او قیزجغزه کران، ووقدر کران که تولومدن بتر کلدی، تولومی آراتدی. کون اولیوردی، (ماریت) اوطه‌سندن چیمایوردی، بیسود اولسه‌ده دیکیش دیکیوردی، کتاب اوقویوردی؛ فقط پازرسز قانجه ناچار قهوه‌لره، اکثریا. (پانتئون) قهوه‌خانه‌سنه کیتسکه مجبور اولیوردی. بر گوشیه چکیلیور، اوطوریور، مشتری بکله یوردی. شاید اوزاقدن برارک اوکا بر پارچه دقتله باقارسه اعتیادایله کولومسه‌مکه، کولومسه‌دکن صبر کره حسن قبول کوریرسه یاواش یاواش حریفک یانه صوقولمغه مجبور ایدی. بو مجبوریتمدن بعضاً اوایله متفر، اوایله دلگیر اولیوردی که اکثریا اوایله بر مناسبت ائناسنده بردن بره قانقیور، قوشه‌قوشه اوطه‌سنه کیدیور، قانپیور، صباحه قدر ایکله‌یور، آغلا یوردی. فقط ایرتسی کونی آچلق سائقه‌سیله ینه عینی ذاتی ارتکابده مضطر قانپیوردی.

انوانی یک اسکیمیک ایچون (ماریت) بر آراق قهوه‌لره کیده مز اولدی. قهوه‌لره کیده‌میخه بوغازینی مسافر لکده، شویله بویه دیووریوردی، لکن اوطه‌کر سنی ویرممدی. اشیای جزئیه‌سنی آلدی. بریلدیکنک یانه قویدی. فقط بر قاق کچه مسافر لکده کیده‌میخه سو قانلرده صباحلامغه مجبور قالدی.

ایشته بوسفالتری چکدیک صرده ایدی که بر کچه (پانتئون) قهوه‌خانه‌سنه

ظاهر پاشا ایله طانیشدی ، صباحه قدر برابر قالدی . پاشا صوری برعاشق ایدی ..
 قلباً هیجانه کلیوردی . فقط ایشته اوقدر ... (ماریت) ی قوریدن قوری یه
 سودی . اومعاشقات سفلیه دن کیتدجه تنفر ایدن اوقیز جغزه اوقوری سودا خوش
 کوروندی ، قابل تحمل کوروندی .

برایله وصالک فرداسنده ایدی ، (ماریت) بالنسبه ایرکن قالقدی ، پاشا
 دریندن درینه اویورکن چاماشیرلری دوزلندی ، البسه تیزلهدی ، اورطه لئی
 طوبلادی ، دائره یی انتظامه سوقدی . ظاهر پاشا اویقودن اویانه رق بوحالی کورونجه
 عادتاً چوجق کبی سوبندی ، چونکه قیزک بوحامارانلغنی کندینه برابتلا اثری عد
 ایله دی . ذاتاً اودرجه خود بسند ایدی . بوسائه ایله ده عادتاً (ماریت) ه مبتلا
 اولیوردی .

ایشته اوبیویه قیزجغز ظاهر پاشانک یانه بوصورتله یرلشمشدی . آرتق
 هم قارنی بول بولنه طوبوره بیلور ، هم سوقاق اورطه لرند قالمایور ، هم ده قیزینک
 آیلغنی منتظماً کوندیریوردی . فقط پاشایه ده بردادی ، برجاریه کبی باقیوردی ..
 انجق قلباً قادینلقجه مضطرب ، متأثر ایدی . سنه لردن بری کچیردیکي حیاتک
 الجا آتیه سومکه ، سولمکه آلیشمشدی . بعضاً اویله تهیجه کلیوردی که یاتاقده
 اویوبامایور ، بر طرفدن بر طرفه دونیور ، ظاهر پاشادن اوجهتجه نومید اولدینی
 ایچون خیالات قدیمه سنه طالیوردی ، بعضاً ده سوقاقده ، قهوه لرده ، مسیره لرده
 سوبلی برارکک کورونجه کوکانی غریب برهیجانه مستغرق بولیوردی .. فقط
 پاشانک صوک درجه قیصقانیلغنی بیلدیکي ایچون موقعی غائب ایتمکدن قورقویور ،
 دیشنی صیقیور ، اوسودا آچلغنه تحمل ایله یوردی ... هفته ده برکرده همشیره سنی
 کورمک بهانه سیله اوکله دن صوکره اوچ درت ساعت غیوبت ایله یور ، ایشته
 اوغیوبت اثناسنده اخیراً طانیدینی برآدمله مناسبات عاشقانه ده بولونیوردی ..
 فقط اویله برمناسبتی متعاقب اقشاملری اوکله کنجه بی تاب دوشیور ، پک آراجویانه
 اویونیوردی ..

بو حالدن شبهه دوشن ظاهر پاشا برکون الک صمیمی بردوستیله شوحبیحانده
 بولوندی :

— بزم قیز، (ماریت) هفته ده بر کره بر قاچ ساعت غیوبت ایله یور، و همشیره مه کیدیورمه. دییه چیقیور، کیدیور، کیتسون، بآس یوق، فقط اوه دوندیکی وقت او یله قیزارمش، بوزارمش. او یله طاقتسز کورونیور که مطلق انشای غیوبتده برخلط ایدیور، بنی آلداتیور، احق دگم، ایشک فرقه واریورم. نه ایسه، حقیقی آکلامق ایچون بر چاره یه مراجعت ایده جگم.

دیدیی، همشیره سنه کیده جکی کونک صباحی کینیرکن قیزک قورسه سنه اصوله جق بر بزیار چه سینه بر اشارت قویدی. شاید قیزا و کون بر معاشقه ده بولونورسه قورسه سنی چیقارمغه مجبور ایدی. قورسه یی چیقارنجه ده اشارت دوشه جکدی، ظاهر پاشاده کیفیته مطلع اوله جکدی، فی الحقیقه ده بویله اولدی. (ماریت) عودت ایدرایتمز، پاش. قورسه یی معاینه ایله دی، اشارتی بوله مادی، بوله مایچه ته بدن طیرناغه پر حدت کسیره رک:

— (ماریت) سن بنی آلداتیورسک، اوته کیله، بریکله مناسبته بولنیورسک، بو رذالته تحمل ایده م، چیق اومدن دفع اول، کیت دییه باغیردی. قیز جغز قیب قیرمزی قیزاردی، قورقوسندن فنا بر هیجانه طوتولدی، بتون او عمر سفالتنی خاطر لادی..

— آه، دیمک عاقبت بنی بویله چرکین بر اتهام ایله، بر افترا ایله قوغیورسکز. یوق. کیده جگم، همده در حال کیده جگم، مراق ایتمه، پاشا حضر تلی، مراق ایتمه، فقیر بر قیزم، فقط عزت نفسم وار، شرفم وار، درت بش آیدن بری یانکدیم، سکا قول اولدم، قربان اولدم، بر جاریه کی خدمت ایتدم. اه ایتمه دلیک نه در؟ سویله دیکک اواشارت کی کولونج بر اسناد اوله ماز، اوت، بوکون همشیردیمک اونده قورسه می چیقاردم، چونکه او یکی بر قورسه آلمشدی. اوکا گمه یوردی، عجا بکا کلیرمی؟ دییه تجربه ایتدک، حقیقت بویله ایکن بکا بوکران معامله یه نه معنی وار؟ سنی سومه سه م، سنی آلداتسه م سنکله او طور یریم؟ هیچ اولما زسه کیدر، او عمر سفاهته طالارم، یا خود سودیکم کیم ایسه اونکله یاشارم. یوق، یوق، بن بدبخت بر قیزم، ازلدن بدبختم، بدبخت!

دیه هونکور هونکور آغلامغه باشلادی . آغلایه رقدن کویا کیتمک ایچون
صندوغنی حاضرلامغه قویولدی .

بوتظلمه ، علی الخصوص احوال پریشانه ، اوآل یاناقلره ، او یانیق کوز یاشلرینه ،
او کوزلکه قارشی طایانامادی ، ظاهر پاشا یاواش یاواش سکونت بولدی .

— مادام او یله ایدی ده (ماریتجکم) ایچون بکا حقیقتی در حال بیلدیر ، دک ؟
نهدن بی بو عذابه صوقدک ؟ سنی نه قدر سودیکمی ، کوزمدن بیله قیصه ندیغمی
بیلمه یورمیسک ؟

دیدی ، فقط شیطان قیز بویوزی بولونجه استغنائی آتیردی ، کیتمک ایچون
صندوقتی حاضرلامقده دوام ایله دی ، آرتق پاشا بوصله بی شاشیرمشدی ، قیزک
النی ، آیاغنی او پیور ، استغفای قصور ایله یوردی . اوده لطیف بر چین چین ایله
نازینی آرتیردجه آرتیریوردی . .
نهایت ظاهر پاشا :

— روحم ، کل ، بواقشام (دارقور) قهوه خانه سنده یمکیزی یرز ، بعض
احبابه ده تصادف ایلسه ک بر پارچه اکلنه یرز ، اعصابکه سکونت کلیر .
دیدی ، او په رکدن ، اوقشایه رقدن ، سودا پرستانه (ماریت) ی آلدی ،
کوتوردی .

ایشته او پاشا ایله بوقیز جغز او یله بر دغدغه بی متعاقب او قهوه یه کاندیلر ،
اوطوریورلردی ، حالا او مناقشه یه خفیفدن خفیفه دوام ایله یورلردی .
بوانلارده فترت صولت بک نامنده کی بر بیلدیکله برابر اورادن کچیوردی ،
ظاهر پاشا صولتی طانیوردی ، کوریر کورمز یاننه چاغیردی ، فترتک کیم اولدیغنی
آکلانجه :

— وای کلخن وای ، سن سلمانک او غلیمیسک ؟ نه چابوق بیودک ، نه چابوق
بویله بر بابا یکیت اولیوردک ، سنک بابا کله بز نه کونلر کچیردک ؛ نه چاقینلقدن بیلدک ؛
خیث ، الله ایچون ، هر جتهجه یکتادر ، هله نه زپرست ایدی ! . سن ده او یله یورمیسک ؟
صولت ، برابر یمک بیه جکز . فترت ده ، سن ده بواقشامی بزمله کچیره جکسکز .
سزی (ماریت) ه تقدیم ایدیم . .

دیدی ، ذاتاً او مشتاق قیزجغز بوکنجلی کورونجه پر نشئه اولیورمشدی ، کمال شطارتله مقابلهلرده ، التفاتلرده بولوندی . صولتده فترت قدر یاقیشقلى ، دلاور ایدی ، لکن اویله ساکت دکلدی ، برقز کورونجه مست غرام اولیوردی ، (ماریت) ده در حال مفتون ، مؤثر بر نظر عطف ایتدی ..

ظاهر پاشا رفیقہ سنه اوکونکی ماجرای اونوتدیرمق ، اوکیجه برا کلنجه ترتیب ایلهمک ایسته یوردی ، اوکنجلی ده بوامله مبنی اویله زورله دعوت ایلهمشدی . (فترت) اوکنجلی قالمق ایسته مدی ، فقط پاشانک اصرارینه ، صولتک رجالینه مقاومت ایلهمدی ، قالدی . ذاتاً اوکون فرنگلرجه بریارام ایدی . اوکیجه هر طرف شوق ، شطارت ایچنده ایدی ..

(ماریت) فترتله صولتک آرالرنده عادتاً وجده کلدی ، انجق درونی وجده کلدی . نشاطی پشایه حس ایتدیرمه مک ایچون لندن کانی یاییوردی ، سیاحه ، اطوارجه فترتی صولتدن زیاده ذوقه موافق بولیوردی ، فقط هپ صولتک انظار اشتیاقه هدف اولیوردی ، فترت اورالرده دکلدی ..

ظاهر پاشا:

— چو جقار . سزه راست کلیمز نه اعلا اولدی . بوکیجه کوزجله برا کله نه جکر ، دکلی (ماریت) ؟ یوقاریده خصوصی بر صالون طوتارز ، برابر یکمیزی ، شامپانیه لری ایچرز . قهوه صباحه قدر آچقدر ! دیدی .

قیزینه باطناً پک سویندی ، ظاهراً لاقید کوروندی ، صولت ذهناً بر شیظنت عاشقانه ترتیب ایلهمیوردی ، فترت ایسه باشقه املهده ، باشقه هواده ایدی . صولت ، فترت اشتها آور بر ایکی ایچکی ایچدیلر ، فقط (ماریت) دها زیاده ایچدی . عادتاً نشئه نهدی ، هله ظاهر پاشا رفیقہ سنی بویله دیمینکی حزنه بدل نشاط ایچنده کورونجه بیوک بر شوقه طوتولدی ، بر برینی متعاقب بر قاچ قدحی بردن بره دیکدی ، هان هان مست اولدی ، شیطان قیز پاشانک حالی مستیسنی آتیره رق اوکنجلیله سربست کوریشه بیلمک . اکلنه بیلمک ایچون چابالایوردی . مثلاً آراصیره اودوست پیرک کیزلیجه الی صیقی صیقی طوتارق بردن بره باش

پارماغنی ، فقط فترته مشتاقانه عطف نگاه ایله ایصیریوریوردی ، اوزمانده ظاهر پاشا آرتق صفری توکعتیوردی ، تهیجی بر لحظه تسکین ایچونینه ساغره صاریلیوردی ..

بر مدت بویله کچدکن صوکره جماعت قالقدی ، کنیشجه بر اوطهده منتظماً قورولمش بر سفره نك باشنه کچدی . (ماریت) فترته ، صولتک آرالرنده ایدی . ظاهر پاشا کمال نشاطندن ماضی ؛ ایام شبانی خاطر لایور ، سلمان بکله یابدققرنی فترته حکایه ایله یوردی .

باباسنک حیات شباندن پک غریب صفحه لری تصویر ایدن بو حکایه لرده اوصاف کنجک خوشنه کیدیوردی .

هله بر آراق ظاهر پاشا فترتک والده سیله سلمان بکک بر برنی ناصل طانیدققرنی ، بر بریله نه صورتله اوله ندکقرنی آکلاندی ، او یتیم کنجی صوگ درجه رقتله دوشوردی ، چونکه (فترت) صرف خیالاً ، تصویر و تصورله طانیدققرنی والدۀ مرحومه سنه پرستش ایلردی ، هر نه مناسبته اولورسه اولسون ، اوندن بحث ایدلدیکی زمان عادتاً وجده کلیردی .

ظاهر پاشا نهایت ضبط نفس ایده مدی ، سلمان بکک کنجکده ینه (پارس) ک عینی زمینده یابدققرنی حشاریلقرنی سویله دی ، فترتی بوسفر کولیدردی :

— باباک اشته بویله ایدی ، سن نیچون بودرجه ساکنسک؟ اوغلم ، کنجکک بر پارچه دغدغه ایله ، دغدغه عشق ایله کچمک کر کدر .

دیدی ، مجلسک شوق ، بوسوزلرک تأثیری ، باخصوص (ماریت) ک عشوه بازلققرنی فترتی بر لحظه شاشیرتدی ، او زمانه قدر بیلمه دیکی بر یوله سوق ایله دی ...

ذاتاً (ماریت) چوقدن بری ماصه نك آلتندن دیزنی فترتک دیزینه ، باجاقنی فترتک باجاقنه طایامش دکل ، عادتاً یاپشدرمشدی . فترت ابتدالری بولطیف تجاوزده قارشى پک صوغوق صاورامش ، چکلمشدی ، فقط صوکره لری تسلیم نفس ایله مشدی . بوموفیتی کورونجه اوبی پرواقیز جراثی بستیون آرتیره رق بروسيله ایله اوکنجک اوزرینه یاصلاندقچه یاصلانیور ، بعضاً برقولنی بویینه آتہ رق قولاغیله اوینامغه ، یاناققرینه خفیف طوقونمغه قدر وارییوردی . ظاهر پاشا آرتق صیزمه

درجه سه گلشیدی ، بو حاللرك فرقنده دكلدی . فقط (صولت) او بر طرفدن (ماریت) ی عینی طرزده صیقشدیریوردی .. اوتما بللر ، اوتما سار کیده بوسه لره دوکولدی ، صولت (ماریت) ی متصل او پیوردی . (ماریت) ده فترتی او پیوردی . فترت ایسه نه اولدیغنی بیلیم یور ، قیزاریور ، بوزاریور ، انجق مغلوب نشوه ایدی .

زواللی (ماریت) آیلردن بری عملمانده بر اختیار ایله یاتمقدن ، قالمقدن اودرجه بزار ، او یله کریان ایدی که ایکی لطیف کنجک آراسنده ، بزم خفیف وصالنده کچیردیکی بو لیله طربی بر نعمت کرانها عد ایله یوردی ؛ ولو بر لحظه ، ولو برقچ دقیقه ، ولو برایکی ساعت اولسون ، او یله دلیرانه سومک ، علی الخصوص سومک ایستیوردی . بالخاصه فترته ، اومنظوم ، متناسب اولدیغنی قدر پاک ، دلاور وجوده بایلیوردی . برقچ قدح دها زور ایله صوندقدن صکره ظاهر پاشایی بسبتون صیزدیردی ، او یوتدی ، صوکره مجنونانه بر اشتیاق ایله فترته صارلدی ، شونیا زلره قویولدی :

— فترتجکم ، بنی سو ، ایلرجه اوله مازسه برکون ، برکیجه ، او قدرده اولما زسه بر آن اولسون سو ، باشقه سودیکک وارسه ، یارین بنی دوشونه مزسه ک شمدی سو ، چونکه بن بر بدبختیم که یتیم سودایم ، سودای حیاته طویمادن بو محرومیته اوغردم . ایشته بوسائقه آتشین ایله بویله دام عشقکه طوتولدم . آه ، مرحمت ایت ، نه ضرر ایدرسک . ماضی و آتی بی بر نبذه اونوتیور ، اونوتیورده بنی بر لحظه مسعود ایت ، بیلسه ک بو سعادت نه قدر مستحقم ! تشئه عشق ، فقط نه رقیق ، نه نریه بر قلبه مالکم ، او یله اولقله برابر حیاتمه قلباً نه قدر آز نشاط کوردم .

فترت بولسان حارسودانی یاری آکلایور ، یاری آکلایوردی ، اوزمانه قدر هیچ کورمه دکارینی کوریور ، ایشیمه دکارینی ایشیدیور ، یاتما دقلرینی یاپیوردی ، شاشیرمشدی ، اومشتاقانه بوسه لره تسلیم نفس ایله یور ، حتی مقابله بیله ایدیوردی . فقط هر حالده معتدل ، بلکه یارد ایدی ، بو اعتدال ، بو برودت (ماریت) ی متأثر ایله یوردی .

صولت او یله دکلدی . باشقه فطرتده یارادلمش ، باشقه هواده بیومش ، حرص

عشقه همان وقف نفس ایله مشدی. (ماریت) ه حسابنر برابتلا کوستریوردی..
قیزجمر فترتن مایوس اولدقدن صوکره اوندن طرفه دوندی ، ایسته دیکنی ،
آراداغنی ده بول بولنه بولدی ..

.....
(ماریت) ایله صولت اوپه دن دیشاری چیقیدیلردی.. ظاهر پاشا برقولتوغه
یایلش ، صیزمش ، حورل حورل اویویوردی . فترت ایسه برکوشیه چکلمش ،
دوشونیوردی ، بولیله طربه ، بو جنبشه ، بو عمر عجیبه دائر دوشونیوردی ،
دوشوندکجهده حیرتله دوشویوردی ، چونکه او خفیفجه مستلکدن قورتوله رق
ادراک سلیمنی کاملاً ایدینمشدی ، کندی کندینه دییوردی که :

— اوت ، (پارس) حقیقه بر مطلع معالیدر ، برکنجی فکرآ یوکسه لتیر ،
یوکسه لتیر ، علمده ، فلسفهده ، فنده بر مرتبه والایه ایریشدیریر ، فقط هر درلو
مراحه قاتلانهرق کیجه وکوندوز چالیشمق ، سکزه ، اون ، اون ایکی ساعت منتظماً
چالیشمق شرطیله .. فقط هوئیاتدن ضبط نفس ایله یه رک مطرداً مدرسه لره ،
دارالفنونه دوام ایله مک شرطیله .. فقط اذواق حیاتی اوپله سفلیاتده دکل علویاتده
آرامق ، آرایه بیلیمک ، بولمق ، بوله بیلیمک شرطیله .. بویله اولمازسه (پارس)
بر آقندر ، شبانی یاقار ، طوتوشدیریر ، کول ایلر . ایسته شوزواللی (صولت) ه
یادینی کی.. بوکون حیات بوکنج ایچون متمادی بر حرص غرامدن ، حتی اکثریتله
بهیمانه بر عشقندن عبارتدر ، (پارس) انحق بر معاشقه اوجاغیدر ، معاشقه نک
خارجنده نه وارسه هیچدر ..

متصل بر جانان آرامق ، آرادجه بول بولنه بولمق — چونکه بودیاردی اوندن
مبذول نه وار؟ — بولونجهده حرص ایله ، هول ایله سومک ، حاصلی اوپله سودکجه
سونمک ، صولمق ، ماده ومعنی بیتمک صولتک خلاصه آمالیدر .

ینه (پارس) بر فلاکتر ، بر فردی انسانلقدن بهیمیه بیله دوشوریر ، ظاهر
پاشاده اولدینی کی.. بو آدجغزک بتون شو حیات مدینه دن ، بتون او بدایعدن ،
معالیاتدن نصیبی نه در؟ هیچ .. هیچ .. اندر هیچ ، عمری یمکدن ، ایچمکدن ،
یاتمکدن ، قالمقندن ، فقط بتون پریشان بر طرزده ، بتون اضطراب ایله یاشامقندن

عبارتدر .. اك وحشی بر اقلیمده ، اك متمدن بر مملكتده اولسه بلكه دهامفیده ،
دها مستریح یاشار ..

بودوشونجه لرك سوقيله او كیجه بوكریوئه سفاهته ناصلسه دوستدییکی ایچون
(فترت) نفسنه لوم ایله یور ، بر دها بوضعفه ، بوزلته قاپلامنی وجدانه ،
عرفانه قارشى تعهد ایله یوردی .. ظاهر پاشانك حكایه ایتدکاری صحیح ایسه
باباسنك وقيله ناصل بویه بر حیاته ، ولو زمان زمان اولسون ، رغبت کوستردیكنه
عقل ایردیره یوردی ، مع مافیه مسئله بسیط ایدی .. سلمان بك بالطبع فکراً
فترت قدر مذهب دكلدی ، تأثیرات ارثیه باباده باشقه ایدی ، اوغلدهینه باشقه ایدی .
سلمان بك فترت کبی تمدناً ، علماً آز ، چوق مترقی بر پدردن ، هله او وادی
تکملده خارق العاده بر والدهدن دنیایه کله مشدی ، طبعی او کوچک لکلردن نفسی
او مرتبه تنزیه ایله یه مزدی .. مثلاً فترتک مادری بر نزاهت مجسمه ایدی ، عمرینی
صفوت ، سلامت ایچنده کچیر مشدی ، هراملنی ، امل حیاتی قوجه سنده ،
چو جقلرنده ، عالمه سنده آرامش ، بولمشدی .. بویه بر آنه نك اولادینه ، جگر
پارهنه ماده اولدینی کبی معنی ده القائی . تأثیراتی دریندر . قانون وراثتک حکمی
معنویانده بیه بوددرجه نفوذ ایله جاریدر .

ایشته او کوچك اوطنك بر كوشه سنده (فترت) بومطالع لره آرتق او محیطدن
طویمغه باشلادینی اذیتی تعدیل ایلر ، طوریركن ظاهر پاشاردن بره او یاندی ، اطرافه
باقندی ، کیمسه یی کورده مه نجه ، صوكره یالکز فترتی بر كوشه ده کورنجه همان آیاه
قالقدی :

— (ماریت) نره ددر ؟ . صولت ده میدانده یوق ، نره یه ، نه خلط ایتمكه
کیتدیلر ، بیلیرم ، او چاقین صولته هیچ امنیت جائز دكل ...

دییه حدتله سویله ندی ، (ماریت ! ماریت !) دییه بلند آواز ایله باغرمغه
باشلادی .. برکت ویرسون كه قیز جغز در حال کلدی ، فقط پاشادن یامان بر آزار
ایشتدی ، آجی آجی سرزنش لره هدف اولدی .. حقیقتده بوتکدیر لره مستحق
اولدینی ایچون سسنی چیقارمادی ، یالکز ایچین ایچین آغلامغه باشلادی .. بو
کوز یاشلرینی کورنجه ییچاره اختیارینه یوموشادی ..

— (ماریتجکم)، سکا دکل، فقط اوچاقین صولته هیچ اعتماد یوق. کوفته خور
بر قادین کوردیمی؟ یانار، طوتوشور، وصاله ایرمه نیجه راحت ایده مز. .
کیم بیلیر، بلکه ضعفکدن، صافیتکدن، حاصلی بو عیش ونوشدن استفاده ایله
سنیده آلداتیویریر. . او خیشدن نه بکله تمز؟. . باق، صاحبک بر برینه کیرمش،
اوستک، باشک بوروشمش، نه اولدی؟.

دیدي. (ماریت) صولتی دمندن بری کورمه دیکنی، بر پارچه یوزنی،
کوزنی ییقامق، نفس آلمق ایچون دیشاری چیقدیغنی، قهوه نك آشانی قاتندن
کچرکن طلبه دن برایکیسیله زور بلا رقصه مجبور اولدیغنی آکلادی، اوست،
باشجه پریشانلغنی بو صورته تأویل ایله دی، حتی بتون بویالانلره فترتی شاهد
کوسترمک کستاخلغنه قدر واردی، پاشایی بستیون تسکین ایله دی. .

ذاتاً بوصره لرده او اوطه نك یاننده کی بر اوطه دن، باشقه بر جماعتدن بر شرقیدر،
بردغده در قوپمشدی. .

ظاهر پاشا: (ماریت! ماریت!) دییه باغیر نیجه او مجاور اوطه ده عیش
ونوش ایدن ارکک، قادین کنجیلر:

Mariette, ma petit Mariette
Tu m'as plaqué; ça, ce n'est pas chuoette.
Mariette, c'est ce que je regrette,
C'est tes nichons en tire bonchon...

شرقیسنی طوتدیر دیلر، پاشا هر دفعه یوکسکجه (ماریت) دیدکجه او پرده
بیرونلر هپ بر آغزندن بو یایغریه قویولیورلردی، او زمان فترت، (ماریت)،
حتی ظاهر پاشا بيله ناچار کولیور، کولمکدن قاتیلیورلردی. نهدن صوکره
سسندن آکلادیلر، مکر صولتده او جماعتک ایچنده ایمش، حتی اک زیاده
باغیر انلردن ایمش. چوق کچمه دی، اوچ قادین، درت ارککدن ترکب ایدن
بوشطارت انکیز خلق نهایت قالدیلر، هپ بردن عینی شرقی سویله یه سویله یه
ظاهر پاشانک اوطه سنه کلدیلر، رقص ایتکه، رقص دکل حورا تمکه باشلادیلر.

قیزلرک نشئه‌سنه پايان يوقدی . ضرورتلری صوگ درجه ایدی ، یارینه بیه‌جکلری ، ایچه‌جکلری یوقدی ، فقط ینه شوقلری بی‌انتها ایدی .

اوکیجه طلبه‌دن برر کنیچ یاقلامشلدی ، قارنلرینی طوبورمشلدی ، بویله ایچیورلر ، کولیور ، اکله‌نیورلردی ، بو بر نبذه مظهریت او طالعزلر ایچون بیوگ بر نعمت ، بر سعادت ایدی .

ایکی اوطه خلقی بر برلرینه تقدیم ایدلایلر ، یکدیگریله درحال دوست‌اولدیلر . انسانی تقدیمده ظاهر پاشانک اسمی تلفظ اولونور اولونماز او آشفته قیزلر همان باجقلرینی تاباشلرینه قدر دکیدرک ماهرانه بر رقص ایله اعلان شادمانی ایله‌یرکدن :

— اوح پاشا! پاشا! . شمدی بز بر پاشا طانیورز .. نه‌شیق !.

دییه باغیریشدیلر .. بو قدرله اکثفا ایتمه‌دیلر ، برر برر :

-- پاشایه عاشق اولدم ، بوکیجه‌بی پاشا ایله برابر کچیره‌جکم ، پاشا ایله یاتا‌جغم .. دییه بوینته صاریلهرق آدجغزی شاپورشوییر اوپدیلر . . . فقط اوده بو‌حالدن من حیث‌المجموع ممنون ایدی . چونکه ولو سائقه مستی ایله ، ولو ساخته اولسه‌ده بویله‌جه سولمکدن خوشلانیوردی ، اوان شبانی خاطرلایوردی .

هله او اوچ قیزدن بری عادتاً کوزل ، همده فوق‌العاده کوزل ایدی ، اوילה اولغله برابر هنوز اون‌سکرز ، اون طوقوز یاشنده ایدی ، اصلاً کبارجه برعائله‌دن ایدی ، فقط فطرة آشفته‌لکه میال اولدیغی ایچون بر کون کیزلیجه ابویننی ترک ایله‌مش ، بو عالم فحش وطریه آتشدی ، عشق وشوق پک سویور ، انجق هیچ بر فردده ربط قلب ایله‌مه‌یوردی ، کیمی ذوقنه موافق بولورسه بیقنجه‌یه قدر اونکله اکله‌نیوردی . برق‌چ کوندر ، (صوات) ایله دوشیور ، قالدیوردی ، فقط عینی‌زمانده بر بری‌یینه آلداتیورلردی ، صولت ظاهر پاشانک مجلسنده (ماریت) ایله اکله‌نیر ایکن اوده مجاور اوطه‌ده اوکنجلردن بریله عیش و صفاده ایدی .. او صفا بیتنجه ، سوتنجه صولتله معاشقه‌یه قویولدی .

اوبرقیزلرده دیگر کنجلرله اکله‌نمکه باشلادیلر . (ماریت) آرتق حرصی

تسکین ایله مشدی ، ظاهر پاشانك يانندن آیرلمايوردی ، حتی شمدي دوستی او آلفته لردن قيصقانيوردی . اوله بيليردی یا ، بونا زنده لردن بری پاشانك خوشنه کيدويور بردی . صوکره بيجاردنك پابوشی طامه آتيليردی . مکمل براو ، يک ، ايچمک ، بويله برنعمته ، نه اولورسه اولسون ، اوزوايليرك هانکيسي خواهشکر دکلدی .. بلکه صولتک دوستی هنوز باشقه هواده ، باشقه هوسده ایدی ، چونکه هم کنج ، همده کوزل ایدی ، ديله ديکی زمان سهولتله برافتاده بوليور ، هرجهتدن مرامنه ايريويوردی .

شامپانياقدحلی اوزون مدت طولدقدن ، بوشالددقن صوکره مجلسه برسکونت کلدی ، شرقی ، رقص ، هپ طوردی ، قیزلر برر برر سودکلرينک يانلرينه ، حتی قوجاقلرينه اوطورديلر ، (ماريت) بيله مفتونانه ظاهر پاشانك يانه صوقولدی .. ساده فترت يالکيز باشنه برکوشده قالدی ، تفکرانه طالدي ، اودرجه طالدي که اومجلسده حاضر ميدر ، دکيدر ؟ آرتق ادراک ايتمه يور ، باشقه دملری ، باشقه عالملی دوشونيوردی .. برآرالق قيزلرک بری قالقدی ، اوآسوده کنجک يانه کيتدی :

— نه قدر وحشيسکيز که مجلسمه کله يور ، اکلنجه مزه اشتراک ايتمه يورسکيز ؟
دييه ، استجوابنه قويولدی .. فترت :

— سزا کله نيورسکيز يا ، کافی ، بنمکي برغربه اهميت ويرمه يکيز ، عجبیم ، باشقه هواده ، باشقه املهديم .. بويله اذواقک اودرجه طرفداري دکلم . بويکجه بومجلسده بولونشم بيله تصادفآدر . شمدي به قدر هيچ برکيجه می بويله کيرمه دمدي ..
ديدی ، اوقيزجغز ايسه بوملاحظه لره شو اوزون مقابله ده بولوندي :

— أوت ، اويله ، فقط ايچمزده اک عقليمز سزسکيز .. چونکه شوصوري نمايشلريمه آلدانمايکيز ، حقيقتده کوکلم ، کوزم قان آغلار .. بو عيش ونوش ، بو ذوق وطرب قدر بيهوده ، حتی مهلاک نه واردر ؟ . بوحيات ظاهرآ ذوق انکيزدر . حقيقتده ايسه انسانی ماده ، معنی سونديرير ، شابنده اختيارلا تير .

بويله کيجه نك خير اومولورمی سحرندن ؟ .

یارین ، بلکه او بر کون ده هیمز فکر آ ، بدنا بی تابز ، بی حضورز . هایدی ، بز نه ایسه ، بو ذلت ایچون یارادلش ، بومذته وقف حیات ایله مش آواره لرز . یاسز کنج لر که چالیشمه ، اوقومغه ، یازمغه مجبور سکرز .. بویله هوا ئی بر معیشت ایله اویله جدی مشغولیتی ناصل مزج ایلر سکرز ؟. امین اولکزر که طلبه دن ، شباندن بوعلته اوغرایانلر ، بوزمین سفاخته دو کولنلر اصلا فلاح بوله مازلر ، (پارس) دن استفاده ایده مزلر ، بسبتون پریشان اولمازلر سه ، جزئی بر تحصیله موفق اوله بیلر لر سه نه موطلی !.

مثلا شو آرقاداشکرز صولت ذکی بر کنجدر ، فقط ایکی ، اوچ سنه در (پارس) ده نه یاپدی ، یوزلرجه قادین سودی ، او قدرده سولدی .. کچن سنه بر مدتجک بنمله ده یاشادی . حقیقه دلفریب بر معاشقدر ، عشق ایچون ، معاشقات ایچون یارادلش بر وجوددر . شمدی ده شو کوچک آرقداشمنله امرار عمر غرام ایله یور ، فقط شابت قنایا بدر . بونشئه لک خاری بر باددر ، یارین بتون او اذواقدن ، او اکلنجه لردن قاله قاله بر یور غونلق ، بر مشقت ، بر درد قالیر .. فکر سوزر ، جسم ایسه وقتندن اول اختیارلار .

اکثریتله بویله بر حیات کچیرن کنج لر بردن بره دوشلر .. ایشته شو زواللی صولت بوچشید محکوملر دندر ، بر ایکی سنه صوکره مملکته یالکرز علما تهی دست اوله رق دونمز ، فقط بدنا صولمش ، سونمش اولدینی حالده دوزر . کنج سکرز ، ذکی سکرز ، دلاور سکرز ، بو عالم دن ، بویله مجلسلردن اوزا قلاشکرز ، اوزا قلاشکرز .. تا که شابکرز ، ذکا کرز ، لطافتکرز ، نافله یره تار اولماسون ، ناحق یره تاراج ایدله سون .

شو پریشان قیزک بومنتظم سوزلرینی بهت ایله دیکله دکدن صوکره جواباً فترت دیدی که :

— یکی ، اویله درده ، بودرجه معقول ، پارلاق دوشونیور سکرده نیچون ینه بویله بر حیات کچیریور ، بو کوچکلرک لردن نفسکری تنزیه ایله یمه یور سکرز ؟
بوسواله قارشی قیزجغزک کوزلری یاشله طولدی ، لیکدن ایسه یاواش ، یاواش شو یانیق سوزلر دو کولدی :

— اوج ، بکا باقمايکيز . اوجلی اطواریمه آلدانمايکيز ، حقیقتده موتی آرایانلردنم .. بو طرز حیاته کوستردیکم ابتلاده او سائقه ایله در ، بر نوع اتحار املیله در ، هنوز یکرمی بش یاشندهیم . فقط اوج ، درت سنه در بر عمر سفاهتله مألوم ، دون آینه به باقارکن کوردم که صاچلرم خفیف خفیف آغارمغه باشلامش ، ذاتا دئما کو کسمدن ده مضطربم ، بر پارچه هوا صوغوق اولدجه متصل او کسوریرم . دیمک ، بر ایکی سنه ده یا یاشار ، یا یاشامام ، ایسته دیکم ده اودر . نیچون ئولمکی ایسته دیکمی صورارسه کنز جوابم بسیطدر . اومدیغ ، دیله دیکم کبی یاشامق بکا میسر اولمايیجه موتی حیاته ترجیح ایله ده .. کوچیچک بر قیز ایدم ، اولدجه کوزل ، اولدجه ذکی ایدم ، ممکن دکل ایسته دیکم کبی بر زوجه بوله مادام ، تحصیل عرفانه میل ایتدم . ابونمک ثروتی مساعد اولمادی ، اوکاده موفق اوله مادام .. بر مغازدهده چراقلغه مجبور قالدم . چکلمز اذالر چکدم ، نهایت اوله ییزار اولدم که آز قالدی ، جیلدیره جققدم .. اطراشده ایسه ، معاشقیر پروانه کبی دونیور ، طولاشیورلردی ، آرتق طایانامادم ، بنده بوجهان سفاهته آتلام .. فقط چوق کچمه دی ، بوجیاتک ده اوبرندن دها بر باد اولدیغنی کوردم ، آرتق کری دونمک محال ایدی ، یالکز بو عمرک بر اییلکی کوزیمه چارپدی ، اوده بر پارچه افراطه صابجه انسان قولای قولای بووادیده سوز ، کیدر ، دیدم یا ، ایسته ابتدای شبایمده صاچلرم آغارمغه باشلادی ، وجودیمک ، کوکسمک ضعیفی ، نحافتی آرتدی ، یاشاسم ، یاشاسم بر سنه دها زور یاشارم .. اومارم که وصلت مرکه سهولتله ، چوق صیقندی چکمه دن ، سورونمه دن ایررم . بو عاقبتمدن مأیوسمی صانیورسکز ؟ اوج ، اودرجه لردن یوکسه له لی چوق اولدی ، شمدی قلابده ، فکرآده دها مستریحم ، پک مستریحم .. بو استراحت سائقه سیله در که بو عیش وطرب عائننده بنی بویه ظاهر آئشله ر ایچنده کوریورسکز ..

بوقیز جغز فترتله بو حسب حالده ایکن اوبر کنجیلر ، قیز ، ارکاک اولنره باغیرمغه باشلادیلر ..

— هی ، اونه در ؟ . اوله باش باشه ویرمشسکز ، نه دولابلر قوریورسکز ؟

طبیعی تالاقیلر حاضر لایورسکنز . . فقط اوحاضر لقلره حاجت یوق ، بز خاطر ایچون باشلری میز او بر طرفه چویریرز . شمدی بیله ایسته دیککنز کی اکلله نیرسکنز . . دگلی ، پاشا ، مینی مینی پاشا دییه باغیریشدیلر . .

بر لحظه اول فترتله او یله فیلسوفانه کوروش باشده اولدینی حالده بتون قیزلر بر پاشا آهنگیدر ، اکلنجه سیدر ، طوتیدر دیلر . . بر قیز . .

— پاشا جغ ، تاریخلرک روایتنه کوره ترکلرده اوچ قویروقلی پاشالر وار ، اونه دیمکدر ؟ قویروق ندر ؟ . دییوردی . بوسوزلردن ظاهر پاشا نه قدر اولسه محجوب دوشیوردی . فقط او برلری منبسط اولیورلر ، قهقهه لر صالیویریورلردی .
بردیگر قیز :

— صحیحی ؟ بر پاشانک حر می اولورمش ، اوحرمده متعدد قاریلری اولورمش ، اوح ، پاشا ، پاشا . (پارس) ده بر حرم تشکیل ایته سکه آ ، بز ی هب برابر آله سکه آ ، نهاعلا ، برلکده یشارز . شاید بر حرم ایچون دردیمز کافی دکل ایسه ک ، آرقاداشلری مژدن بش ، اون ، ایسته دیکک قدر قیز بولورز ؛ فقط مانکیزک وار می ؟ . بز ی بسله مک ایچون پاره ایستر ، بوغازیمزه پاره ایستر ، اوستمزه ، باشمزه پاره ایستر ، دها باشقه دردلریمز ایچون پاره ایستر . مثلاً بنم اوفاجق بر دوستم وار ، زواللی چوجوق چوقدن بری ایشیمزدرد . قوری عشق کفایت ایتز ، قارن طویورماز ، هیچ اولمازسه بن اوکا هفته ده بش ، اون غروش بولمی ، یتشدیرملی یم . دیمکه قدر واردی ، مجلسی شطارتلره بوغدی . . ظاهر پاشاده :

— نه خلط اییدیورسکنز ؟ بویاشدن صوکره بنی مسخره می ایده جکسکنز ؟ حر مکزده ، قاریلریکزده سزک اولسون . . اوسفسطه لری ده سزه کیم اوکرتدی ؟ سزی کیتدی فتنه لر سزی !

دییه اونازنینلره اعلان مفتونیه قالدیشدی . فقط قیصقانجلق سائقه سیله (مارییت ک) بو حاللردن متأثر اولدینگی کورونجه کندینی طوبیلا دی ، همده سوبنه سوبنه طوبیلا دی ، چونکه قیزک بوقیصقانمسندن سولدیکنه ذاهب اولیور ، چوجوق کی سوبنیوردی .

في الحقيقة (ماريت) ظاهر پاشاي اور قيزلردن قيصقانعه، حتى تحف بر سودا ايله ده سومكه باشلامشدي. چونكه اوقدر ابتلاسه، تمايلنه، اعلان غرامنه رغماً بتون كيجه فتردن هيچ برالتفات كورمه مشدي. صولتلك مقتوندي ايسه سوركسر چيقمشدي، مختصر بروصالدن صوكره برودته منقلب اولمشدي.. زواللي (ماريت) قاله قاله ظاهر پاشا ايله قالمشدي. هيچ اولمازسه پاشا او كا حقيقه جاندن مقتون، كوكلدن مبتلا ايدى. قيز بونعمتي تقدير ايتزده الدن قاچيريرسه جداً پريشان اولوردى. ذاتاً رقيبهرده حاضر ايدى.. ايشته بو ملاحظه لره مبنى (ماريت) ظاهر پاشاي هم او بر قيزلردن قيصقانيور، هم ده عادتاً سوييوردى.

بو بزم طرب ختامه ايردى. او كنجلر برر برر قيزلرني آلهرق اقامتكا هلرينه شوق اينچنده، شوخانه كيتديلر، فترت يالكزجه اويته دوندى، ظاهر پاشاده (ماريت) له برابر بر آرابيه بينه رك دائره سنه عودت ايله دى..

پاشا مست ايدى، بيهوش ايدى، او كيجه نك بقيه سنى حظوظ اينچنده كچيردى.. چونكه (ماريت) دن صميمي بر محبت كوردى.. غرب او كه او محظوظيت، بو محبت آرتدى، آرتدى، مقابل اولدى، بر مدت صوكره ازدواجه بيله سبيت ويردى.. ظاهر پاشا بو قز جغز ايله رسماً تأهل ايتدى.. ايله هوائى بر كيجه نك نتيجه لرى نه قدر جدى اولمشدي: او تاريخدن بش اون سنه صوكره چامليجه ده بر كوشكده اختيار، پك اختيار بر پاشا قرقنه ياقلاشمش، حسناً سونمش، فقط اخلاقاً، تربيه جه، عرفانجه لطيف بر خانم افندى ايله، حريميله برابر ياشايورلر، پك آسوده، پك كوزل ياشايورلردى.. بو قارى، قوجه نك اون طقوز يا يكرمى ياشنده بر قيزلرى واردى.. بو قيز بابايه دكل، آنته يه بكزه يوردى، پك بكزه يوردى، فقط نه درجه دلارا ايدى، حسناً، خلقاً، عرفاناً خارق العاده ايدى. ايله اولمقله برابر بر عصمت مجسمه ايدى.. فوج فوج مقتونلره، مبتلالره، طالبلره مالك ايدى.. حتى بو طالبلردن برى، مملكته ك زنگين، اك بيوك بر عالمه سندن، بر صدر قديمك مخدومى ايدى.

ايشته اوزات شو بيلاييكمز ظاهر پاشا، او خانم افندى (ماريت)، او كريمه كزينده (ماريت) ك سودنده ده كى مجهول النسب قيزى ايدى.

بر ليله غرام اذواقك تأثیری بویه درین ، بویه مدید اولمشدی .. (فترت)
 او کیجه یاتاغنه کیردیکی وقت بردرلو او یویاماش ، متصل دوشونیور ، بتون او
 بزم صفائی ، او هوائی مخلوقلری ، او بیچاره قیزلری ، او (ماریت) لری
 دوشونیوردی .. صولته آجیوردی ، قیزیوردی ، لکن او بدبخت قیزجغزلره
 یانیور ، یاقیایوردی. او زمان هیچ تصور ایده مییوردی که بر کون کله جکدی ، او
 پریشان (ماریت) بویه بیوک برخانم اوله جقدی ..

وابستن صفا و کدردر لیلال هپ
 کون طوغمدان مشیمه شیدن نه لر طوغار ؟

بیت معروفی حقیقهٔ او کیجه نك حالی مصور ایدی .. چونکه فی الحقیقه
 (ماریت) او لیله نك برکتیه حیاتك بو انعامه ایردی . فقط عجیبا او برلری
 نه اولدیلر ، نره یه کتیدیلر ؟ . ناصل ، هانکی خسته خانه ده ، هانکی فراش سفالتده
 بیتیدیلر ؟ . هیات ! (پارس) ك بر زمین مخصوص سفاهتی انحق بر قاچ سنه ، اوده
 حقیقتده بیك درلو مشقته جیکنه یه بیله رك صوکره بردن بره نه ان اولیورن اونارین
 مخلوقلرك استقبالی کشف ایلمک ، بقیه حیاتی بیلمک ، او کر نمک ممکنیدر ؟ .
 او بیچاره لر هپ ، شاعرك دیدیکی کبی ، هواده یار اغه بکزرلر ، هپ عمرک
 بهارنده خزانه منتظر درلر . یاپراقلر دوشرکن اونلرده اکثریتله صولارلر ،
 سونزلر ، کیدرلر ..

بویانیق کیجه ، او مدهش جنبش فترت ایچون بیوک بردرس عبرت اولدی ،
 چونکه (پارس) ده بولوندیغی مدتجه او کنجی بردها بویه عالملرده کورن اولمادی .
 فی الحقیقه او یله بر حرکت اساساً قانون عصمته بر تجاوز دیمک ایدی ، او یله اولدیغی
 ایچون ده هله شبانی بیوک بیوک تهلمکله دوشوره بیلیردی .

ذاتاً صولت کبی بدض کنجلمیزك (پارس) ده سنه لرجه یاشادقلری حالده بر
 فیضه ایرمک شویله طورسون ، عادتاً هر درلو فضل و فضیلتدن تجرد ایتدکدن صوکره
 وطنلرینه بالضروره عودت ایلملری بو آفت سفاهتک سوقیله ایدی .. مع الاسف
 وطنداشلریمزك بر جزء قیللی بو چشمه مساویدن نفسلرینی صیانت ایده بیلورلردی ، ایشته

(فترت) بوزمرء ناجیه دن اولدی، سلمان یک اوله مامشدی، فقط او اولدی. فی الحقیقه (پارس) ی یالکز فضائل دکل، فضائع اعتباریله ده مکملآ آ کلادی، مثلاً هر درلو صفحاتیله آچیق دن آچیغه تصویر ایتدی کمز او شب اذواقده، قواعد موضوعه آدابمه کوره، برکنجک کوره میه جکی فضاحتاری کوردی، ایشیده میه جکی رسوایقلری ایشندی، معافیله یأس یوق، بوسایده خیر و شری ده کوزل تمیز ایله دی ..

شباب ایچون اک مؤثر واسطه تربیه مساوی به بحق آگاه اولمقدیر، سیئات دن او یله جهالتله دکل، بیلهرک، متممداً توقی ایله مکدر. ایشته فترت بو طرز تربیه ایله بتون او کمالات اخلاقیه نی ایدیندی .. (پارس) ده متقیانه بر حیات کچیردی ایسه اوزمینک اطراف اشواقنی بیلمه دیکی ایچون دکل، بالعکس او حقائق بیلهرک او عالم دن تنفر، تبعاً ایله دی. قیز اولسون، ارکک اولسون، برکنجه ده حقیق بر تربیه انجق بو طرز ایله ویریلیر.

فترت بو حقائق، بوچرکین حقائق یالکز بیلمه کله قالمادی، نشانلیسنه، سحرینه پی در پی مکتوبلریله بیلیدردی .. حتی او جنبش کیجه سنی تصویر ایدن مکتوبی یالکز باشه بیله اوقورکن بیچاره سحر قیز ارمشدی، همشیره سندن، کزیده خانم دن صاقلامق ایسته مشدی، فقط صاقلایامادی .. کزیده فکراً، علماً مرقی ایدی .. بو حقیقتلره ولو معصوم بر قیز جغزک اولسون، کسب اطلاع ایتمسندن بر محذور کورمه یوردی. مثلاً (زولا) نک (طوپراق) کبی، (نانا) کبی اک آحیق حکایه لری هم بالذات اوقویوردی، هم ده سحره اوقوتدیری یوردی، او یله صانیوردی که بوچشید مطالعه لر بر فکری ده ازیاده نثریه، بر قلبی ده اچوق تصفیه ایلر .. بو اعتقاد طوغری ایدی .. چونکه برکنج معاصی یه دوشه جکسه، ناصل اولسه دوشردی، اونوع تبعات ایله بلکه فالقلری جداً ادراک ایده بیلیر، جداً مدخول، مشئوم کوریر، بولوردی .. بویله اولمقله برابر بو فلسفه هنوز یک تقرر ایتمه مشدی، فترتک او دیدیکمز مکتوبی او یله مرقی بر محیطجه، سحرک برادر لر نجه بیلر بر نبذه قیل و قاله بادی اولدی ..

(صوروبون) ده برامتحان

(فترت) بوکون اوکله یه طوغری آرقاده شلرندن (مجدت) بک اقامتگاهنه کیتدی، مجدت بک اوچ سندهن بری (پارس) ده ایدی. ذاتاً استانبولده منتظماً تحصیل کورمشدی، مکتب سلطانیدن برنجی درجه ده شهادتنامه آلمشدی. (صوروبون) ده ایسه تاریخ شعبه سینه دوامایله بتوردی، برسنه اول بتون امتحانلرینی کچمشدی، بوصوک سنده (دوققورا) دیدکلری برنوع رؤس آلقایجون بر (نهز)، تألیف حاضر لامشدی.. ایشه اوکون دارالفنونک اک ممتاز خواجه لرندن متشکل بر هیئت ممیزه نك حضورنده علی الاصول بو تألیفی ایضاح ایله یه جکدی، ممیزلرک اوموضوعه متعلق سؤاللرینه جواب ویره جکدی، اوچ، درت ساعت قدر ده ام ایدن بوامتحانده موفق اولونجه عرض ایتدیکمز رتبه علمیه یی:

رتبه العلم اعلی الرتب

قازانه جقدی.

اولجه طبع اولنه رق معلمینه تقدیم ایدیلن او تألیفک موضوعی رجال دولتمزدن بری. بریوکی:، ابن عالی پاشا، طولانیسیله ده اون طقوزنجی عصرک واسطنده حکومت عثمانیه نك اوروپایله مناسبآمز، یعنی مسئله شرقیه نك بعض صفحه لر ایدی.. مجدت بک تحصیلی کمالیه یوروتمشدی، تألیفی تبعات متادیه ایله، تدقیقات جدیدیه ایله وجوده کتیرمشدی، حتی عال پاشایه دائر ایجه وثائق جدیدیه الده ایدرک دقیق نکته لر بیله بولمشدی. حال بویله ایکن اودم تهیج ایچنده ایدی.

(صوروبون) ده بویله بیوک امتحانلر عمومیدر. واسع بر درسخانه نك حجره مخصوصه سینه معلملر کچرلر. اوطوریرلر. اوهیئتک اوکنده بر کرسی مخصوصده

(فترت) بوزمره ناجیه دن اولدی، سلمان بك اوله مامشدی، فقط او اولدی. فی الحقیقه (پارس) ی یالکز فضائل دکل، فضائح اعتباریله ده مکملآ آکلادی، مثلاً هر درلو صفحاتیله آچقندن آچیغه تصویر ایتدی کمز او شب اذواقده، قواعد موضوعه آدایمه کوره، برکنجک کوره میه جکی فضا حتری کوردی، ایشیده میه جکی رسوایقلری ایشیدی، معافیله یأس یوق، بوسایده خیر و شری دهاکوزل تمیز ایله دی..

شباب ایچون اک مؤثر واسطه تربیه مساوی یه بحق آگاه اولمقدیر، سیئاتدن او یله جهالتله دکل، بیله رک، متمعداً توقی ایله مکدر. ایشته فترت بوطرز تربیه ایله بتون او کالات اخلاقیه یی ایدیندی.. (پارس) ده متقیانه بر حیات کچیردی ایسه اوزمینک اطراف اشواقنی بیلمه دیکی ایچون دکل، بالعکس او حقائق بیله رک او عالمدن تنفر، تباعد ایله دی. قیز اولسون، ارکک اولسون، برکنجده حقیق بر تربیه انجق بوطرز ایله ویریلیر.

فترت بو حقائق، بو چرکین حقائق یالکز بیلمکله قالمادی، نشانلیسنه، سحرینه پی در پی مکتوبلریله بیلیدردی.. حتی او جنبش کیجه سنی تصویر ایدن مکتوبی یالکز باشنه بیله او قورکن یچاره سحر قیزارمشدی، همشیره سندن، کزیده خاتمدن صاقلامق ایسته مشدی، فقط صاقلا یامادی.. کزیده فکرآ، علماً مترقی ایدی.. بو حقیقتلره ولو معصوم بر قیز جغزک اولسون، کسب اطلاع ایتسندن بر محذور کورمه یوردی. مثلاً (زولا) نک (طوپراق) کبی، (نانا) کبی اک آحیق حکایه لری هم بالذات او قویوردی، هم ده سحره او قوتدیری یوردی، او یله صانیوردی کد بوچشید مطالعه لر بر فکری ده ازیاده تنزیه، بر قلبی ده اچوق تصفیه ایلر.. بو اعتقاد طوغری ایدی.. چونکه برکنج معاصی یه دوشه جکسه، ناصل اولسه دوشردی، اونوع تبعات ایله بلکه فالقلری جداً ادراک ایده بیلیر، جداً مدخول، مشؤم کوریر، بولوردی..

بویله اولمقله برابر بو فلسفه هنوز پک تقرر ایتمه مشدی، فترتک او دیدیکمز مکتوبی او یله مترقی بر محیطجه، سحرک برادرلرنجه بیله بر نبذه قیل وقاله بادی اولدی..

(صوروبون) ده برامتحان

(فترت) بوکون اوکله یه طوغری آرقاده شلرندن (مجدت) بکک اقامتگاهنه کیتدی ، مجدت بک اوچ سنه دن بری (پارس) ده ایدی . ذاتاً استانبولده منتظماً تحصیل کورمشدی ، مکتب سلطانیدن برنجی درجه ده شهادتنامه آلمشدی . (صوروبون) ده ایسه تاریخ شعبه سنه دوام ایله بتوردی . برسنه اول بتون امتحانلرینی کچمشدی ، بوصوک سنه ده (دوقتورا) دیدکلری برنوع رؤس المقایحون بر (تهز) ، تألیف حاضر لامشدی .. ایشه اوکون دارالفنونک اک ممتاز خواجه لرندن متشکل بر هیئت میزه نک حضورنده علی الاصول بو تألیفی ایضاح ایله یه جکدی ، میزلرک اوموضوعه متعلق سؤاللرینه جواب ویره جکدی ، اوچ ، درت ساعت قدر دوام ایدن بوامتحانده موفق اولونجه عرض ایتدیکمز رتبه علمیه یی :

رتبه العلم اعلى الرتب

قازانه جقدی .

اولجه طبع اولنه رق معلمینه تقدیم ایدیلن اوتألیفک موضوعی رجال دولتمزدن بری . بریوکی : ، ابن عالی پاشا ، طولایسیله ده اون طقوزنجی عصرک واسطنده حکومت عثمانیه نک اوروپا ایله مناسباتمز ، یعنی مشته شرقیه نک بعض صفحه لری ایدی .. مجدت بک تحصیانی کالیله یوروشمشدی ، تألیفی تبعات متباهیه ایله ، تدقیقات جدیدیه ایله وجوده کتیرمشدی ، حتی عال پاشایه دائر ایجه وثائق جدیده الده ایدرک دقیق نکته لر بیله بولمشدی . حال بویله ایکن اودم تهیج ایچنده ایدی .

(صوروبون) ده بویله بیوک امتحانلر عمومیدر . واسع بر درسخانه نک حجره مخصوصه سنه معلملر کچرلر . اوطوریرلر . اوهیئتک اوکنده بر کرسی مخصوصه


امتحان ویرن کچر ، اوطوریر .. خواجهلر ذاتاً اولجه برر برر اوتألیف مخصوصی تتبع ایتش ، او شاگرددن استیضاحات لازمه یی حاضر لامشدرلر .. امتحان باشلار باشلاماز مناوبه بواستیضاحلره قویولورلر ..

درسخانه اکثریا خنجاخنچ طولودر . ایلك صفده شاگردك اقرباسندن ، اوداسندن قادین ، ارکک بر چوق سامعینی ، او بر صفدرده ایسه عامه بولونور . بتون بو حضار اوامتحانی کافه صفحاتیله تعقیب ایدرلر ، سؤاللری ، جوابلری دقله ، واقفانه دیکرلر . چونکه اکثریتله بواجتماعلره کلنلر بومسائل علمییه دائر از ، چوق اختصاص ایدینلردر .

مع مافیه مجدی بك بوچشید اجتماعلره ، بویله اجتماعلرده سوز سویله مکه آلیشمشدی ، موضوعی ده کمالیه احاطه ایدیوردی . اوجهتدن ده قورقمایوردی ، یالکنز قلباً تهیجده ایدی . تحصیلنی بتیردکدن صوکره کنج ، کوزل بر فرانسنز قیزیله نشانلامشدی . یقینه تأهل ایده جکدی . بوقیز اوکون ابوییلله برابر طبعی او امتحانده حاضر بولونه جقدی . نشانلیسنی درین ایله برهیجان ایله سودیکی ایچون مجدی دوشوندرن بومسئله ایدی .

آرقاداشنك بواندیشه سنه واقف اولونجه (فترت) دیدی که :

— اوح ، مجدت ، بو تهیجات قلبیهك ایچون هیچ تلاش ائمه ، اویله صاف برسودانك جیادت فکرییه اصلا ضرری اولماز ، بالعکس .. امین اول که اومعشوقه روحکی کوردکجه میزلیکه ده نشاط ایله ، ده شطارتله جوابلر ویره جکسك ، فصاحتك ، بلاغتك ده زیاده آرتار ، اوشوق ایله ده باشقه ، ده مکمل برمجدت اولورسك .. تقسمده تجربه مله سویلرم .. سودا ، بویله صاف ، صحیح ، صمیمی اولونجه نه منعمر ؟ اینان . حیاتك عادتاً بر لازمه رکنیندر . فی الحقیقه عقلاً ده اویله اولمق اقتضایتمیزی ؟ . قلب اویودتجه ، سکونت ایچنده اولدتجه فکرک قدرتی ، جلادتی حد کالنی بولاماز . بکا قالیرسه سوین که قلبك بوکون خلجان ایچنده در ، محبوه قلبك امتحانکده حاضر بولونیور . کوره جکسك : اومدیغکدن ، ایسته دیککدن ده پارلاق بر صورتده موفق اوله جقسك .. عشق معقول ، مستحسن اولونجه بویله خارقهلر ابداع ایدر .





3 1761 07825301 0

AC
141
A63
v.2